

Bible. Acts. Lolo. (1901)

BELEMO BEA LIKIMA.

(LÓFÓSO JA LÓMÓNGO.)

LONDON:
PRINTED FOR THE
BRITISH AND FOREIGN BIBLE SOCIETY.
1901.

223 : 84,15

Harvard College Library

Sept. 23, 1910

Gift of the
British & Foreign Bible Society

ACTS OF THE APOSTLES IN MONGO.

(Lo-Mongo, LOLO OR BA-LOLO.)

BELEMO BEA LIKIMA.

ETATE EMÓKÓ.

1 Bosakú boki m o kótak 'okala Teo-
filo wai belemo benkuma beki Yesu o
'angaka 'o kamba ko 'o laka.

2 Esike nk' aki mbile eki nde 'ule-
dzamaka, aki nde o lakaka likima liki'
nde o sónaka l' olimú w' ólótsi.

3 Au la eneya bomóngo a kenda nda
'feka ba iwa ikande, la belem' ûke lako
likóli, au lenya el' iyo betso ntuk' ineí,
au tefela baui ba likulaka ja Nzakómbe.

4 Aki 'nde l' iyo o takanaka, au la
laka ba fau kenda lima Yerusalema
ókónde bau tukya elaka eya Fafa, bo-
móngo au kela ek' inyo 'okaka el eu.

5 Eki Yoane 'inaki nd' asi nsósóló,

lóló inyo l' if' inama nd' olimú w' ólótsi betso be f' úke.

6 Ak iyo takanaka ko bau lo ûla, bau kela ; Oi la w' if' uteya likulaka ele Yisaelae ekek' ene ?

7 Au la kela, likambo a fa likinyo lo lia likeke la lileko liki Işè o kelaka la mpamba ekande mónico.

8 Ókónde inyo l' ifo ata mpamba asi Bolimú w' ólótsi au kit' el' inyo, ko l' ifo yalema banenaki nd' elók 'ekau nda Yerusalem, la nda Yudia nk' uma, la nda Samalio la nda nsukela mónico ey' okili.

9 Aki' nde o tefelak' auyi' ane, ak' iyo ala, au luledzama, litute jo lo kola lim' aisu' akiyo.

10 Ak' iyo cuedzaka nda lola aki' nde au lulela, lo ala, baend' afe bau lemal' el iyo la lito ja fe.

11 Iyo bau kela ; Inyo bantu ba Ngailaya lo lemala lo cuedza nda lola lai ? Yésu 'óne o luledzama lim' el' inyo nda lola, ifo ya eleng' ek' inyo eneka a kenda nda lola.

12 Lim' asókó bau luta nda Yerusalemale lima ngóngo e tang' iyo Olipeta ndats' eko la Yerusalema e le nga lokendo ja mbil' ey' Eyenga.

13 Ak' iyo mótswaka ba 'unda nda ntena e le nd' aliko e yalema Petero la Yakobo la Yoane la Andulea, Pilipo la Toma, Balatolomayo la Matayo, Yakobo bona owa lende owa Alapayo, la Simona zeloti la Yuda bona owa ngoya owa lende eya Yakobo.

14 Bane bankuma b' ambo takana la lokai lómókó, 'o onda, iyo l' amato la Malia nyango eya Yesu la batomolo' akande.

15 Nd' ets' eso, Petero au lemala nd' etei ey' akimi, au kela; (boanji w' aina bo ki bonkama la ntuk' ife.)

16 Baendela balongo, ntatela ey' okand' one eyo önga eyo lelama eki Bolimú w' ólótsi o tefelaka l' omwa wa Davidi nda likambo ja Yuda o ki balónji' okiyo bando kolaki Yesu.

17 Eki' nde o andemaka l' iso, ko ataki likafo j' olem' one.

18 Bont' óne a súmbaki lisala line, la nyóngó eya joi jobe, au kwa lim' ótsa besunangóngó, botema bo tungwa, ko besófó beo lola.

19 Joi line jo liana ele bâsi bankuma ba Yerusalema, ko bau tanga lisala line nda lófósó lokiyo móngo "Akeladama" wai "lisala ja balóngo."

20 Eki baui ba kótamaki nd' okanda wa Nsau "Lo cika boyal' okande bo yale nk' ontu, kela' ómó au sulungana nda mpivú ekande."

21 El' ant' ane ba ki l' iso ekeke nk' uma, aki Nkolo Yesu o etetaka l' iso.

22 Lim' inelo ya Yoane, esike nk' aki mbil' eki nde 'uledzamaka lim' el' iso, to són' ómó ifo yalema 'onenaki l' iso eku-njwelo ekande.

23 Bau són' afe, Yosefa lina ja nkitsa Balusaba, o tang' iyo Yusetu ko la Matatia.

24 Iyo bau önda, bau kela; We Nkolo ond' ia betema be' antu 'ankuma eneya ómó okiyo afe oki wo sónaka.

25 Kela ifo ata likafo j' olem' one, ko au yal' ekima, lim' aki' nde o kweke, l' auyi' obe' akande, wai au coa nd' okakú' okande mónico.

26 Iyo bau sóna ba lang' iyo, ko Matatia au sónama, ko a andema la likima jomo l' ómókó.

LITATE LIFE.

1 Aki mbile eya ntuk' itanu eyo liela njiela, iy' ankuma ba ki nd' okal' ómókó la lokai lómókó.

2 Ko lolingo lo ya lima lola la lisanzu, ng' efêle ey' ónene, ko lo lekola nd' ilómbe i kisas' iyo.

3 Ko ndeu yo lenya el' iyo, i le nga' tsa ko i kútama el' iy' ankuma.

4 Iy' ankuma bau kinda l' olimú w' ólótsi, ko bau anga lo tefela la ndak' imo elengele Bolimú au la laka.

5 Ba ki eko nda Yerusalema, Ba-Yuda, bângi ba Nzakómba, lima benanga benkuma n' ansi ba lola.

6 Aki lolingo lósó lo lokana, nteke eyo takana, ko ba anga eki bantu bankuma bau loka ba tefela la lolaka lokiyo mónico.

7 Iy' ankuma bau kamwa, ko ba wa l' oma, bau luwana ; lo ala, iy' ankuma baso tefela ba fa basi Ngalilaya nde ?

8 To loka bant' ankuma ba tefela lófósó lokiso mónico lok' is' otswaka eleng' eya ?

9 Ba-Palutia, la Ba-Madia, Ba-Elama, la Ba-Mesopotamia, la Ba-Yuda la Ba-Kapadokia nda Ponto la Asia.

10 Palugia la Pamepulia nd' Ezipeto, la nd' ekakú bea Libwe ntutana la Kulene, ko l' afaiya ba Loma, Ba-Yuda la baututalaki.

11 Ba-Kulete la basi Arabia, to lok' iyo ba tefela la mpósó ikiso befilo bea Nzakómba.

12 Ko iy' ankuma bau kamwa, bau likya nd' etema ekiyo, ko bau luwana eleng' ene, eleng' eya ?

13 Bamo bau fenola, bau kela : bant' ane bau langw' âna.

14 Ókónde Petero au lemala, ende la likima jomo l' afe, au beledza au la kela : Inyo bantu ba Yuda, ko inyo ba fetsa nda Yerusalema lo fúnga j' ia 'auyi 'akau kela lo lia.

15 Wai bane ba fo langwa elengele kanel' inyo, jeva jo kita nko nda lofa-katúi ja lolo kika.

16 Ókónde line li le wai likambo liki Yoele, nkanga, o sangaka :

17 “Nzakómba au kela, nd' etso bea ncindedza, nj' if' utedza Bolimú 'okau el' ant' ankuma, ko bana 'akinyo baende, ko la bamato b' ifo laka, ko basekota bakinyo b' ifo ena jenelo, ko lingambi likino j' aende l' ifo lót' alótó :

18 Ko nj' if' utedza Bolimú 'okau ele bakambi 'akau la bamato ba n kamby eu, nd' ets' eso, kela b' ifo laka.

19 Ko nj' if' eneya belemo bea nka-kamwa, nda lola nd' aliko, la ntadza nd' okili bo le nd' ansi, balongo la tsa l' olinga bo cca nd' aliko :

20 Jeva j' ifo faningwa wilima, ko

nsúngi ifo faningwa balongo a singi mbile ey' ónene ey' öma eyo liela.

21 Kela bontu nko loswele oso usela Nkolo luela ifo ika.

22 Inyo bantu ba Yisalaele l' okúdz' auyi' ane; Yesu owa Nazareta, bontu oki Nzakómba o sumaka el' inyo la befilo l' elemo bea nkakamwa la ntadza, beki Nzakómba o kelaka l' ende el' inyo ng' inyo mónico lo lia :

23 Ende au tungama ngoki Nzakómba o telaka, ko ngoki' nd' iaka, inyo lo kolaki, ko l' akata b' obe lo lo fanya ko lo lo oma :

24 Oki Nzakómba o kundolaka, au limola jelo j' iwa wai a fo tungama l' elem' eso.

25 Eki Davidi au tefela nd' elókó eka-nde, N enaki Nkolo nd' okala w' elungi ekau, cu-mbile, a le nda lö lokau j' osaka wai ba fau m pukya :

26 Lim' asókó botem' okau bo kema, ko loleu lo lok' esadza jionge mónico jo lendedza la wai.

27 Wai o fau sundola bolimú 'okau nd' okakú w' iwa, ko wo fau cika okawe owa líóngi a fónða.

28 Wo n dakaki mboka ya lúi, w' ifo n kinz' ekemo l' elungi ekawe.

29 Bantu l' alongo, o n cike n sangel' inyo fole bosakú wa engambi Davidi wai a wa ko a kunji, ko likila likande li le l' iso esike nk' aki mbil' ene.

30 Eki' nde a ki nkanga ko au lia Nzakómba au simbola la nsimbi mónico el' ende, wai lim' ana' akande mónico b' eto, i fo sangya Masiya o kisasi nd' ieko ikande y' okulaka.

31 Eki ndi enaka nd' okala a tefela likambo j' ekunjwelo eya Masiya wai bolimú' okande nto cikala nd' okakú w' iwa ko wunyu bokande nt' en' efóndelú.

32 Yesu 'one oki Nzakómba o kundo-laka, wai is' ankuma to le banenaki.

33 Ko Nzakómba au lo sangya nda lö j' osaka lokande, aki ndi o ataka elaka ey' olimú w' ólótsi lim' ek' Ise, au lutedz' óne, ok' inyo enaka ko ok' inyo okaka.

34 Eki Davidi nt' ulelaki nda mbola, lóló bomóngo au kela; Nkolo au sangela Nkolo ekau: we kisasi nda lö j' osaka lokau.

35 Esike nk' aki m o kela bainyi bakawe mbata ekawe ey' akaka.

36 Kela bolúi wa Yisalaele b' ia nsó-sóló wai Nzakómba au kelaki Yesu óne ok' inyo fanyaka, Nkolo la Masiya.

37 Ak' iy' okaka ngósó betema bekiyo beo tenya, bau kela Petero la likima limo, bantu la balongo, to kela mo?

38 Lim' asókó Petero au la kela: Lo kengetswa ko lo inama, inyo 'ankuma, nda lina ja Yesu Masiya ele Loiko j' auyi' obe, kela lo ata Bolimú w' ólótsi.

39 Ele elaka e l' el' inyo ko el' an' akinyo ko el' ant' ankuma ba le esi.

40 Au lókóla, ko au la laka l' auyi 'ûke, au kela: lo la ikya inyo móngo lima lioci line j' obe.

41 Lim' asókó, band' imedzaki joi likande bau linama, ko mbil' eso ba ambana el' iyo nkút' isatu y' antu.

42. Ba kóng' imedza lilako ja likima, la liteko likiyo, l' etenelo ey' iyököl' eöndo.

43 Ko böma bo kitel' el iy' ankuma ko baui ba nkakamwa la ntadza bau kelama la likima.

44 Band' imedzaki bau takana, ko bau sanganya nsako.

45 Bau súmby' elemo l' aumba 'akiyo, ko bau kaf' el' ant' ankuma ngok' iyo lélaka.

46 Iyo bau ya cu-mbile, la lokai lomoko, nd' ocumba w' oöndo, bau tena iyökö nda tólómbe la tólómbe, ko ba l' efambe 'ekiyo l' ekemo l' otem' ómókó.

47 Bau suma Nzakómba ko ba at' ime-mya el' ant' ankuma. Nkolo au fudz' el' otúnga cu-mbile bantu baso ika.

LITATE LISATU.

1 Mbil' emo jeva jo kita nda lofakatúi ja ngele ekeke ey' oöndo Petero la Yoane bau lótswa nd' ocumba w' oöndo.

2 Bontu owa jende o lemelaki lim' otema wa nyango au tombama ok' iyo ilaka cu-mbile nda wisu bo tang' iyo bóló w' ocumba w' oöndo, a önda band' ótswa nd' ocumba l' aumba.

3 Enaki Petero la Yoane bau lótswa nd' ocumba ko au la önd' iyo l' aumba.

4 Petero ko a' aka baisu 'akande el' ende, la Yoane, bau kela : O to ale.

5 Au la' okúdz' iyo au kanela b' if' o ka nganji.

6 Lim' asókó Petero au kela : eu m po ate bapalata la bangoldi lóló ba at' emi nso ko ka : Nda lina ja Yesu Masiya owa Nazareta, emala, kenda !

7 Au lo kita la likata j' osaka, au lo sangya, nkakoyoko bekolo bekande l' akese 'akande bau kema.

8 Au fumvwa, au lemala kó au simba, au lótswa nd' ocumba w' oöndo, eteta, ko au tamba a memya Nzakómba.

9 Bantu bankuma bau lo ena eteta au suma Nzakómba.

10 Bau lia a le nk' ende, o ko kisasi

o öndaki bantu l' aumba nda wisu w' ólótsi w' ocumba w' oöndo, bau kinda la nka-kamwa l' öma, l' olemo bo kambemaki el' ende.

11 Aki bolema o ikaki o kitaka Petero la Yoane, bant' ankuma bau likumwa el' iyo, nda ntena eya Solomona, bau kamwa nkakamwa.

12 Aki Petero eneka ngósó au kel' antu : Inyo bantu ba Yisalaele : Inyo lo kamwa ngamo ? Lo to cuedz' iso lai, nga la mpamba la liongi likiso mónico to filola bont' óne a kenda ?

13 Nzakómba eya Abalayama la Yicaka la Yakoba, Nzakómba eya baise 'akiso a memyaki Bón' okande owa jende Yesu, ok' inyo angelaka ok' inyo anganaka eka Pilato, aki' ndi o langaka lo lis' ende.

14 Ókónde inyo lo anganaki Lióngi liso la bont' oko ow' ólótsi, ko inyo lo öndaki bau lis' el' einyo bômi ow' ontu.

15 Lo omaki bokulaka wa lomo, oki

Nzakómba o kundolaka lim' iwa, iso to le banenaki.

16 Lina likande, wai njimedza nda lina likande, eyo kemyaki bont' óne ok' inya ena ko ok' inyo ia. Nsosolo njimedza el' ende (eki Yesu o kâka) e' óngyaki jionge likande nd' okala okinyo ma.

17 Nso lia balongo, lo kelaki ngósó wai lo taf' ia ngoki bekúmbi bekinyo o kelaka.

18 Ókónde belem' eso beki Nzakómba o eneyaka l' emwa bea nkanga ikande nk' uma, wai Masiya ifo len' elú ko au liedza joi liko.

19 Lo ututalaka! ko lo kengetswa! kela baui 'obe b' ifo luwa asi likeke ja loiko l' ifo ya lim' eka Nkolo.

20 Ifo toma Yesu Masiya ok' iyo úngúdzaka joi likande el' inyo nd' iango.

21 Oko lola l' ifo kola esike nk' aki likeke ja maóngya ey' elemo benkuma beki Nzakómba o sangaka l' bemwa ea

nkanga nkuma ikande ya líongi lim' aki bokili o angaka.

22 Eki Mose o sangelak' aise 'akiso nsósóló: Nkang' emo Nkolo Nzakómba ekinyo ifo kundola el' inyo, l' alongo' akinyo, elengel' eu, kela l' ifo' okúdz' ende nd' auyi' auma baki' ndi o lo sangela.

23 Kela bantu bankuma ba f' okúdz' nkang' eso b' ifo fitana el' antu.

24 Nsósóló, nkanga nk' uma lim' aki Samuela la bando kimaki, iyo ankuma ba tefelaki, bau telaki bets' ene.

25 Inyo lo le bana ba nkanga, ko ba bosunga boki Nzakómba o sekyaka l' aise 'akiso, au sangela Abalayama, l' ana 'akawe baoci bankuma b' enanga benkuma b' ifo sakema l' okakú.

26 El' inyo bokala, Nzakómba aki' ndi o kundolaka Bón' okande owa jende Yesu, au lo súkúdz'a o sakel' inyo bokakú, o lo kengol' inyo nkuma lim' auyi' obe 'akinyo.

LITATE LINEÍ.

1 Ak' iyo tefelaka l' antu, nkanga la bosaka w' ocumba w' oöndo la basadoke bau y' el' iyo.

2 Bau loka nkéle ek' iyo lakak' antu, bau lúngúdzá joi ja nkunjwelo lim' iwa nd' elókó eya Yesu.

3 Bau la kanda, bau la ila nd' ilómbe ya njanga esike nko nga lobi wai bókóló bo kita.

4 Ókónde búke okiyo band' okaki joi, bau limedza, ko boanji w' aende bo le nga nkút' itanu.

5 Nga lobi ko bekúmbi la mpaka la bakóci bakiyo,

6 La Anasa nkanga ey' osaka la Kayapa la Yoane la Alesandulo la basangi la nkanga ey' osaka bau takana nda Yerusalema.

7 Ak' iyo ilak' iyo nd' etei, bau la ûla: Lo kamba belemo bene la mpamba nda lina ja na ?

8 Lim' asókó Petero au kinda l' olimú

w' ólótsi au la kela : Inyo bekúmbi bea bantu la mpaka ya Yisalaele.

9 Aiyak' inyo lo to mek' iso mbil' ene nd' elókó ey' olemo w' ólótsi bok' iso ke-laka el' ontu ow' ingoi, ko la eleng' eki' nd' o ikaka.

10 Lo fúnga j' ia, inyo 'ankuma, la bantu ba Yisalaele, wai nda lina ja Yesu Masiya owa Nazareta ok' inyo fanyaka, oki Nzakómba o kundolaka lim' iwa, wai nd' elók' ekande bont' óne au lemala ane, nd' okala okinyo la mpamba.

11 Ene wai ekeli ek' inyo batúngi o fenolaka, aiyoko eyo yalema bosaka wa inkúndo.

12 To fo ate loiko el' ómó, wai to fa ika la limo lina jo tangema el' antu nd' ansi ba lola nye.

13 Ak' iyo enaka nkasú eya Petero la Yoane, bau lena ba le bantu lako wanya, ko ba fia' auyi, bau kamwa ko bau lia ba ki la Yesu.

14 Ak' iyo enaka bontu o ikaki emi l' iyo, ba fo at' etefelú.

15 Ak' iyo 'a sangelaka, bau limana lima nteke, bau coa lokuku iyo mónico.

16 Bau kela : To kela l' ant' ane mo ? wai basi Yerusalema bankuma bau lia bau filola bofilo mónico, ko iso to fo at' anganelú.

17 Ókónde nyango joi line li f' úngwana el' antu lenkina kela to la sas' iyo, wai ba fau lak' antu la lina line lenkina nye.

18 Bau la eta, ko bau la laka ba fau tefela, ko ba fau laka la lina ja Yesu lenkina nye.

19 Lóló Petero la Yoane bau la amba, bau kela, aiyaka baui ba lungi nd' aisu ba Nzakómba, to 'úkúdz' el' inyo bokala wa Nzakómba inyo mónico lo kanela.

20 El' iso to langa to tefela nk' aui bak' iso enaka ko bak' iso okaka.

21 Limasókó ak' iyo anak' iyo wano lenkina bau la tungola, wai ba fene likambo el' iyo, elókó ey' antu wai bant' ankuma bau memya Nzakómba ewela bolemo bo kambemaki.

22 Bontu ok' iyo filolaka au lekola mpela ntuk' ineí.

23 Ak' iyo tungwaka bau coa nd' olúi okiyo mónico, ko bau la sangela baui baki nkanga y' asaka la lingambi a sangelaka.

24 Ak' iyo okaka ngósó bau beledza la lokai lómókó bau kela : Nkolo, wo le Nzakómba on' emaki lola l' okili la ntandu l' elemo benkuma be' l' el' iyo.

25 O tefelaka l' omwa wa bosali okawe Davidi, elengene, Benanga beo fangwa ngamo ko bantu bau kanela baui nko loswele lai?

26 Bakuláka b' okili bau lemala, ko bekúmbi bau takana 'o fenola Nkolo la Masiya ekande.

27 E le nsósóló Elode la Pontio Pilato l' afaiya l' antu ba Yisalaele bau takana 'o fenol' 'ón' oke owa líóngi oki wo sónaka.

28 Bau kel' aui baki we mónico o angaka, l' aki wo kelaka nd' iango.

29 Ko aiyoko Nkolo, okúdz' aui

bak' iyo ba to sasimodzaka, ko kemya basali' ake kela bau tefela joi like l' olo.

30 Sembola likata like 'o iky' antu, kela la ntadza l' auyi ba nkakamwa bau kelama la lina j' ón' oke owa líóngi Yesu.

31 Ak' iyo öndaka, etenela ek' iyo takanaka eyo fuka ko iy' ankuma bau kinda l' olimú w' ólótsi ko bau tefela joi ja Nzakómba la nkasú.

32 Bolúi bokiyo bónd' imedzaki bo yalema la lokai lómókó ng' ont' ómókó lak' ontu, au tanga baumb' akai ba le bakande mónico ókónde iy' ankuma bau yalema nsako emókó.

33 Likima bau laka ekunjwelú eya Nkolo Yesu la nkasú ko boyá bo l' el' iyo 'ankuma búke.

34 Nk' ontu o samb' aumba el' iyo nye, wai ba ki l' asala la tólómbe bau súmbya, ko bau yela biko bia belemo bek' iyo súmbyaka.

35 Bau lambya nd' akaka ba likima, bau kafa el' ant' ankuma eleng' ek' iyo edzaka.

36 Ko Yosese oki likima o tangaka Balunaba (esunganya eya lina, bóna owa jende owa numbola ey' olalengo) bóna owa Lewi owa bonanga wa Kupulio.

37 Au súmbya lisala likande ko au yel' aumba, ko au lambya nd' akaka ba likima.

LITATE LITANU.

1 Ókónde jende lómókó lina likande Anania la wali' okande Sapila, bau súmbya jumba likiyo.

2 Bau lis' am' aumba ba wiko, ko wali okande au lia, ko au yel' am' aumba au lila nd' akaka ba likima.

3 Ókónde Petero au kela, Anania lidóka au kinz' otem' oke ngamo o limba Bolimú w' ólótsi o fónól' ómó wiko wa lisala.

4 Aki we nto súmbyaki, nta li ki like mónico? ko aki wo súmbyaka likambo nta li ki like mónico? O angaki joi line nd' otema lai? nto limb' antu, ókónde Nzakómba.

5 Anania aki' nd' okak' auyi 'ane a kwa ndánsi a wa ci, böma bo y' el' iyo band' okak' auyi' ane.

6 Basikota bau lemala bau lo ömba, ko bau lo ambola bau lo odza, ko bau lo kunda.

7 Jeva li tafo lek' elingi, wali okande au ya a fia bolemo bo kambemaki, ko au lótswa.

8 Petero au lo kela; o n sangela nkina wo súmbyaki lisala la wiko eleng' ene au lo amba o ngósó nk' elengene.

9 Lim' asókó Petero au lo kela Inyo lo amana lo meka Bolimú wa Nkolo lai? Bala, lolingo j' antu ba kundaki bomi oke, lo le nda wisu ko b' ifo ko tomba.

10 Lim' asókó nakakoyoko au kwa nd' akaka' akande a wa ci, basikota bau lótswa bau lo tana, a wa ci, bau lo odza, ko bau lo kunda ntutama l' omi okande.

11 Botúng' onkuma bo lok' öma, l' ankuma band' okaki baui' ane.

12 Ko ntadza l' elemo bea nakakamwa

beo kelama l' akata ba likima el' antu
(Iy' ankuma bau takana la lokai lómókó
nda ntena eya Solomo.

13 Nk' ont' ómó o amana l' iyo, ókónde
bantu bau la memya.

14 Baimedzi bau fula ele Nkolo, bant'
ûke l' aende l' amato).

15 Wai bau tomba ba nkangi bûke
nda tosika, bau la ambya nda ntangi
la tótókó bau langa liriringi ja Petero
li kuk' amo' akiyo.

16 Koko bant' ûke bau ya lim' enanga
be tutsi la Yerusalema, bau yela ba
nkangi la ba le l' ekali b' obe, ko iy'
ankuma ba ika.

17 Limasókó nkanga ey' osaka ko
l' a ki l' ende (ba le bolúi wa basadoke)
bau kinda la nkele.

18 Bau kanda likima, bau la ila nd'
ilómbe ya njanga.

19 Ókónde ekima eya Nkolo au kú-
mbola likuke j' ilómbe ya njanga lotso
au la odza, au kela :

20 Kenda y' emale yo lak' antu nd'

ocumba w' oöndo, bauyi bankuma ba lúi lóne.

21 Ak' iyo okaka ngósó bau lótswa nd' ocumba w' oöndo lankesa bau lak' antu, ókónde nkanga ey' osaka au ya, l' a ki l' ende, bau leta nteke l' ekúmbi be' ana ba Yisalaele, bau súkúdz' antu nd' ilómbe ya njanga bau la yela.

22 Aki lilumbe b' okaka nta ba tana nd' ilómbe ya njanga, bau luta ko bau la sangela.

23 Bau kela to tan' ilómbe ya njanga i kúmbi wai, ko baesanyi bau lemala ndansa ba likuke, ókónde ak' iso kúmbolak' ekuke to fen' 'onto nye.

24 Aki nkanga ey' osaka la wesanyi w' ocumba w' oöndo la nkanga ey' ónene' okak' auyi' ane ba fia e sukela likambo line.

25 Omó au y' a sangel' iyo, au kela : Lo ala, bantu bak' inyo ilaka nd' ilómbe ya njanga bau lemala nd' ocumba w' oöndo bau lak' antu.

26 Limasókó elumbe ey' ónene la

lilumbe li ambi l' ende bau la yela a fa la bolo, ba ang' antu nyango ba fo la usela likeli.

27 Ak' iyo' a yelaka, bau la ila nd' okala wa nteke, ko nkanga ey' osaka au la ûla.

28 Au kela : Iso nta to sangel' inyo ; lo fo lak' antu nda lina line ? ko lo fene ló kinza Yerusalema la lilako likinyo, ko lo langa lo to ka iso likambo ja balongo b' ont' óne.

29 Limasókó Petero la likima limo bau la amba bau kela : bólótsi wai to limedza Nzakómba, a f' antu.

30 Nzakómba ey' aise' akiso a kundo-laki Yesu, ok' inyo omaka, ko ok' inyo fanyaka nd' ote.

31 Nk' ende oki Nzakómba o sangyaka la likata likande j' osaka au lo kitsa Bokulaka la Bosikóli, ifo ka Yisalaele eututaelú la loiko j' auyi' obe.

32 Iso to yalema batumyi b' elem' ene la Bolimú w' ólótsi boki Nzakómba ó kâka band' imedz' ende.

33 Ak' iyo okaka ngósó betema bekiyo beo tenya, bau coa nteke ba om' iyo.

34 Limasókó ómó au lemala nda nteke, bofarisi, lina likande Gamaliele nkanga ey' eleka, bant' ankuma b' o memya, au la sangela bau lodza likima vílí.

35 Au la kela : Inyo bantu ba Yisaelaele, lo kel' iköki l' olemo bok' inyo kamba nda likambo j' ant' ane.

36 Wai nd' okala w' eleko ene Teuda au ya, au lekúdzá nga au yalema bont' ónene, bant' úke ba amana el' ende, bantu b' o omaki, bando imedzaki bau fanjwa, bau kenda nye.

37 Nd' afeka b' ont' oko Yudasa owa Ngalilaya au ya nd' ekeke eya wuta au sum' ant' úke el' ende, au fitana, ko bankuma bando imedzaki bau fanjwa.

38 Aiyoko nso lo sangela. Lo cik' ant' ane t' a la fukyake, aiyaka lilako line la bolem' óne bo le be' antu b' ifo fitana.

39 Ókónde aiyaka be le bea Nzakómba,

lo fau fiteya nyango lo fo 'una, inyo la Nzakomba mónico.

40 Bau lo imedza, ko ak' iyo etaka likima, bau la kunda, bau la laka ba fau tefela nda lina ja Yesu, bau la lisa.

41 Bau limana lima nteke, bau lok' ekemo, wai bau tangema bau lelama bau loka nsói nd' elókó eya Lina likande.

42 Ko ba f' ambya lo laka ko l' imedza Yesu Masiya nd' ocumba w' oöndo la nda tólómbe tónkuma cu-mbile.

LITATE BOTOA.

1 Nd' ekek' eso aki bakimi o fulaka Ba-Ela bau lemwa Ba-Yuda ek' iyo nta esanya licuka likiyo l' aumba bak' iyo kafaka cu-mbile.

2 Limasókó jomo l' afe bau leta nteke ey' akimi el' iyo, bau kela baui ba f' elama t' ambya joi ja Nzakómba to kafel' antu befambe.

3 Balongo: l' as' el' inyo mónico

bantu nsambo ba memy' iyo, bau kinda l' olimú w' ólótsi la lokai, kela to la ila bekolo bea belem' ene.

4 Ókónde iso t' ifo önda maönda ko to kamb' elemo bea Joi.

5 Ntek' enkuma bau lok' ekemo la joi line, bau sóna Setepano, bontu o leki njimedza la Bolimú w' ólótsi, la Pilipo, la Pulokolo la Nilanola la Timono la Paluana la Nikolao, o ututalaki njimedza eki' nde 'okala owa Antioka.

6 Bau la ila nd' okala wa likima, ko ak' iyo öndaka bau lafy' akata el' iyo.

7 Joi ja Nzakómba jo fula, ko boanji w' akimi bo fula nda Yerusalema búke, ko nkang' úke bau linedza njimedza.

8 Setepano au kinda la njimedza la mpamba, au kamba belemo bea Nza-kómba l' efilo el' antu.

9 Kela bamo ba bocumba w' oöndo, bo tang' iyo bolúi wa “ba sikwaki,” la Basi Kulene, la ba Alesandulia, la ba Kilikia la ba Asia, bau likya likóli la Setepano.

10 Iyo nta ikyaki lokai lokande la eleng' eki' ndi o tefelaka.

11 Limasókó bau let' antu ba tefela, iso to lok' ende au tefela baui ba sidza ngóló eya Mose la eya Nzakómba.

12 Bau súmainy' antu, l' asaka l' akóci, bau y' el' ende bau lo kanda, ko bau lo yela nda nteke.

13 Bau let' anenaki b' ampulu, bau kela Bont' óne Yesu owa Nazareta ifo faningola belemo beki Mose o to kâka.

14 Bankuma ba kisasi nda nteke ak' iyo o cuedzaka, bau lena elungi ekande elengele ekima eya lola.

LITATE NSAMBO.

1 Limasókó nkanga ey' osaka au lo úla, belem' ene be le nsósóló ?

2 Ende au lo amba : Bantu, l' alongo l' aise l' okúdza : Nzakómba eya likucu au lenya ele ise ekiso Abalayama aki' nde nda Mesopotamia a tafo ya nda Alana.

3 Au'kel' el' ende: Imana nd' onang' oke, la tólóngo toke, yaka nd' onanga boki' m' o ko tumya.

4 Kela au limana nd' onanga wa Ba-Kasada ko au ya nda Alana; lim' ako ko ak' ise ekande o waka au sekwa nd' onang' óne bo fets' inyo aiyoko.

5 Nta lo ka ende lisango mpiko nye, a fa ng' ende au matela la likaka likande, ókónde au lo cikel' elaka, wai ifo ka ende lisango bonang' oko, ko el' an' akande nd' afek' akande aki' nde nta at' óna.

6 Nzakómba au tefela eleng' ene wai ban' akande b' ifo fetsa nd' onang' ómó, ko b' if' a kand' iyo b' if' a eneya elú mpela benkam' ene.

7 Nzakómba au kela: Nj' ifo sisodza bonanga bond' a kand' iyo, ko nd' afeka b' if' ola, ko b' ifo n kambya nd' okak' óne.

8 Au lo ka boleka wa ntatena eya nsunga ko Abalayama a ota Yicaka au tena losunga nda mbile ey' onani, Yicaka a ota Yakoba ko Yakoba a ota lingambi jomo la life.

9 Lingambi liso la inkunia ikiyo bau sadza Yosefa nda Ezipeto ókónde Nza-kómbe a ki l' ende.

10 Au lo sikola lima jelú likande linkuma, au lo ka imemya la wanya el' aisu ba Palo, bokulaka owa Ezipeto, óndo ilaki bokolo wa Ezipeto la ilómbe ikande inkuma.

11 Limasókó eto eya nzala e kela nd' onang' onkuma wa Ezipeto la Alana, elú mongo, baise bakiso ba fo fil' efambe nye.

12 Ókónde aki Yakoba okaka basangu ba le nda Ezipeto au tom' aise 'akiso 'okala.

13 Nd' ekenda be' afeka au liana el' ilóngo ikande, ko ilóngo ikande yo liana ele Palo.

14 Limasókó Yosefa au toma lo et' ise ekande, Yakoba au y' el' ende l' ilóngo ikande, bantu ntuku nsambo l' antu batanu.

15 Ko Yakoba au kitela nda Ezipeto a wa ende l' aise' akiso.

16 Bau tombama mpiko nda Sekeme
bau lamema nda likila liki Abalayama
o súmbaka la wiko w' aumba ek' ana
baende ba Emola ise ya Sekeme.

17 Ókónde elaka e tutama e liela eki
Nzakómba o sisaka Abalayama bantu bau
ful' úke nda. Ezipeto.

18 Esike nk' aki bokulak' ómó bo ya
o fia Yosefa.

19 Oko au kakatanya ilóngo ikiso, ko
bau tuka baise' akiso ba la kela bau sun-
dola tónkuni tokiyo wai to fa ika.

20 Nd' ekek' eso Mose a otswaki, au
lekola lituka, bau lo óngola nd' ilómbe y'
ise nsúng' isatu.

21 Ak' iyo odzak' ende bóna ow' omo
to owa Palo au lo ambola, au lo óngola
ng' ón' okande.

22 Mose au lekela la wanya wa Basi-
Ezipeto, ko au lekola nkasú l' elemo.

23 Aki' ndi o kita mpela ntuk' ineí,
au kanela nd' otema au co' ena balongo'
akande bana ba Yisalaele,

24 Au len' ómó' okiyo a le nd' elú, au

lo kambya ko a oma bosí-Ezipeto o tukak' ende.

25 Au kanela balong' akande b' if' ia Nzakómba if' a sikola la likata likande ókónde nta bia.

26 Nga lobi ko au la tumya bomóngo el' iyo ak' iyo unaka, au langa au la katola, au kela; bameka, inyo lo le balongo, lo omana lai?

27 Ókónde o tumulaki webi au lo imola, au kela; o k' ila we bokúmbi l' otenyi w' akambo 'akiso na?

28 O lango o m' om' eu eleng' eki w' omaka bosí Ezipeto mbil' eki lobi?

29 Limasókó Mose au lúta la joi line, ko au yalema ng' ofaiya nd' onanga wa Midiana, mpiko a ot' ana bafe baende.

30 Aki mpela ntuk' ineí o silaka, eki-ma eya Nkolo e lenya el' ende nda lombe ja tsa nd' aunza nd' etekeleke eya ngóngo eya Sinai.

31 Aki Mose o enaka, au kamwa l' etalo, aki' ndi o tutama el' ende lófósó ja Nkolo jo ya el' ende.

32 Lo kela : Eu nde Nzakómba ey' aise ake, Nzakómba eya Abalayama, Nzakómba eya Yicaka, ko la Nzakómba eya Yakoba, ko Mose au lenga a fo aleya.

33 Limasókó Nkolo au lo kela, lótola nkovú lim' akaka' ake, wai bokakú bond' emala we, bo le ekila.

34 Eu nso lena, Eu nso lena elú ey' antu bakau ba le nd' Ezipeto, nso loka besa bekiyo ko nso y' a sikola. Yaka, nso ko toma nda Ezipeto.

35 Mose' óne ok' iyo fengolaka, bau kela o k' ila we bokúmbi l' otenyi w' akambo' akiso na? Nzakómba au toma nk' ende au yalema bokúmbi la bosikóli, la likata j' ekima enyeki el' ende nd' aunza.

36 Au la lónnda aki' ndi o tumyak' efilo la ntadza nd' onanga wa Ezipeto la ntandu eya fu, la nd' etekeleke mpela ntuk' ineí.

37 Óne wai Mose oko, o sangelaki bana ba Yisalaele : Nkolo Nzakómba

ekinyo ifo lo ka inyo nkanga elengel' eu, l' if' okúdz' ende.

38 Óne wai nk' ende o ki nd' otúnga bo ki nd' etekeleke, ende l' ekima e tefelaki l' ende nda ngóngo eya Sinai, ko l' aise' akiso band' ambolaki bauyi ba lúi ba to ka iso.

39 Baise' akiso bau lo fengola, bau lo imola lim' el' iso, ko betema bekiyo beo kengwa nda Ezipeto.

40 Bau kela Alona o to emela Nzakómba i kenda nd' okal' okiso, wai Mose óne o to yelaki lima Ezipeto iso to fia eki' ndi o coa.

41 Koko Bau lema bóna owa ngómbo nd' ekek' eso, bau ka ekúya nganji, ko bau kema nd' elemo be' akat' akiyo móngo.

42 Limasókó Nzakómba au kengetswa, ko au la lisa bau memya belemo be le nda lola ngoki o kótamaki nd' okanda wa nkanga. Inyo bolúi wa Yisalaele, inyo lo n ka eu nyama ik' inyo omaka la nganji mpela ntuk' ineí nd' etekeleke.

43 Nsósóló lo ambolaki boyalo wa Moloke la ióci ya Lepana likúya lik' inyo emaka lo' a memya nj' ifo tomb' inyo wij' a Babela.

44 Baise bakiso ba ki la boyalo wa ndalaka nd' etekeleke, ngoki' ndi o kela-ka, a sangelaki Mose wai ifo em' ende ngoki' ndi o enaka.

45 Boki baise' akiso bau ya nd' afeka o yelaka la Yosefa nd' onanga w' afaiya baki Nzakómba o odzaka n'l' okala w' elungi ey' aise akiso, esike nk' aki ekeke eya Davidi.

46 A ata lokumu ele Nzakómba a langa a atela Nzakómba eya Yakoba boyalo.

47 Ókónde Solomona au lo túngela boyalo.

48 Lóló oko "ónd' ekol' ónene" a fo yale nd' oyalo beki bantu o túngaka ngoki nkanga o tefelaka.

49 Lola lo le ngwende' ekau ko bokili bo le mbata ey' akaka ekau, inyo lo n túngela boyalo na? Nkolo a kelaki ko bokakú wa jomo likau bo le nko?

50 Likata likau nta li emak' elem' en' enkuma?

51 Inyo befedza, inyo lo fo kótama nd' etema l' atúi, inyo lo fisingola Boli-mú w' ólótsi ngok' aise' akinyo o kelaka, inyo lo kela nk' eleng' eko.

52 Nkanga eki baise' akinyo nta tumulaki na? Bau la om' iyo bau telaki nd' iango eyelo eya “Ómó owa líóngi,” ok' inyo angelaka ko ok' inyo omaka.

53 Band' ambolaki boleka l' emwa bea likima ókónde nta fúngaki.

54 Ak' iyo okak' auyi' ane betema bekiyo beo tenya la nkele ko bau singany' ainu.

55 Ókónde ende au kinda l' olimú w' ólótsi, au cuedza nda lola, au len' ekemo eya Nzakómba la Yesu au lemala nda lö j' osaka ja Nzakómba.

56 Au kela : Lo ala ; nso lena mbola yo kúmbwa, ko “Bóna owa jende ow' ontu ” au lemala nda lö j' osaka ja Nzakómba.

57 Bau lelemúdza la lófósó j' ónene,

bau lind' atúí' akiyo, bau likumwa el' ende la lokai lómókó.

58 Bau lo imola lim' onanga, bau lo oma la likeli, ko banenaki bau lamby' enkot' ekiyo nd' akaka b' osikota lina likande Saulo.

59 Ba oma Setepano, a önda Nzakómba au kela: Nkolo Yesu kola bolimú' okau.

60 Au kusama ndansi, au beledza la lófósó j' ónene: Nkolo to' a ikake la joi line. Aki' ndi o tefelaka eleng' ene au letama.

LITATE BONANEÍ.

1 Ko Saulo au limedza iwa ikande, koko ifukya y' ónene yo kela la botúnga bo le nda Yerusalema ko iyo bau fala-ngana nd' ekakú bea Yudia la Samalio, imola nko likima.

2 Ko bantu b' óló bau kunda Setepano, ko bau lēla lilēlo ná el' ende.

3 Lóló Saulo au tumula botúnga ntu-mula móngo, au lótswa nda tólómbe

tónkuma, a kanda baende l' amato, au la tomb' iyo nd' ilómbe ya njanga.

4 Ko iyo ba falanganaki, bau landa bau co' úngúdza joi.

5 Ko Pilipo au kitela nd' onanga wa Samalio a la lak' iyo Masiya.

6 Ko nteke nkuma b' okaki baui' ako baki Pilipo o tefelaka, ak' iyo okaka ko ak' iyo enaka.

7 Eki bekali b' obe beo lēla la lófóso j' ónene, bau limana lim' el' iyo.

8 Bonang' oko bo kema nkakema.

9 Lóló a ki bont' ómó lina likande Simona nd' ekek' eki' okala ond' utaki bakunda ko au lókaki bantu ba Samalio, au la sangela a ki bontu ow' ónene.

10 Bantu b' asali l' ónene b' okúdzaki el' ende, bau kela bont' óne a le l' ofilo wa Nzakómba.

11 Bau lo memya eki' nd' a lókaka la bakund' akande kala kala.

12 Lóló ak' iyo 'imedzaka Pilipo l' esakú' ekande bea belemo bea likulaka ja Nzakómba.

13 Limasókó Simona bomóngo au limedza, au linama ko au yal' ende la Pilipo, ko aki' ndi o ene befilo la ntadza be kelamaki au kamwa.

14 Aki likima li ki nda Yerusalema bau loka Samalio bau lambola joi ja Nzakómba bau la súkúdzá Petero la Yoane.

15 Ko ak' iyo kitela bau öndel' iyo Nzakómba, b' ifo ata Bolimú w' ólótsi.

16 Wai bo tafo kitela el' ont' okiyo ómóko nye, ókónde b' inamaki nda lina ja Nkolo Yesu.

17 Limasókó bau lafy' akat' akiyo el' iyo ko ba at' olimú w' ólótsi.

18 Aki Simona o enaka Bolimú w' ólótsi bo kaema el' iyo la bakata baki likima o' afyaka, au la yel' aumba, au kela :

19 O n ka bofil' óne, kela bantu baki m afy' akat' akau b' ifo ata Bolimú w' ólótsi.

20 Lóló Petero au lo kela : wo fitana we l' aumb' akawe ele wo kanela nganji eya Nzakómba eyo súmbama l' aumba.

21 O fo ate joi nda likambo line nk' ónye, eki botema bokawe bo fo ónge nd' aisu ba Nzakómba.

22 Bututala baui 'ane b' obe bakawe, ko önda Nzakómba nkina lokai j' otem' oke l' ifo ika.

23 Ele nso lena wo le nda likambo j' elú ko wo tungi l' ekata ey' aui' obe.

24 Simona au lamba : au kela : o m' öndela Nzakómba kela baui baki wo tefelaka ba fau y' el' emi.

25 Iyo ko ak' iyo memolaka ko ak' iyo lókólaka joi ja Nzakómba bau luta nda Yerusalema ko b' úngúdzaki besakú be' ólótsi nd' enang' úke basi-Samalio.

26 Lóló ekima eya Nzakómba au sangela Pilipo : Emala, kenda nd' okakú wa' ngele, nda mboka e coa bokakú wa Yerusalema nda Aza nd' etekeleke.

27 A sangwa, ko a kenda, ko bala ; bosi-Etiopia owa jende, bokúmbi owa Kandake, bokulaka ow' omoto owa Etiopia, ond' esany' aumb' akande, a ki nda Yerusalema 'o memya Nzakómba.

28 Au luta, ko au kisasi nd' etombelú, a anda bokanda wa nkanga Yesaya.

29 Limasókó Bolimú bo sangela Pilipo a tutama a amana l' etombelú ekande.

30 Pilipo au likumwa el' ende ko au lok' ende a ande Nkanga Yesaya, ko au lo ûl' ende : w' ia bauyi ba banda we ?

31 Au lamba : Nkina bontu a fo n dak' eu n jia ngamo ? ko au leta Pilipo au y' o kisasi l' ende.

32 Lotadza j' okanda wa Nzakómbe loki' ndi o andaka lo ki lone : “ B' o suma-ki elengele mpate nd' eomelú ko elengel' óna owa mpate e le lokisi nd' okala w' osaki wa nkunza, nk' eleng' eko a fo 'umbol' omwa bokande.

33 Aki' nde o sotsama bau lo fónola elunga ekande ko lioto likande os' a laka na ? ele b' imola lúi lokande lim' okili.”

34 Ko bokúmbi au lamba Pilipo, au kela : nso k' ûla we, nkanga a tefelaki eleng' eko nd' elókó ey' omóngo l' ey' ont' ómó ?

35 Ko Pilipo a' umbol' omwa, a anga lima lotadza lóne j' okanda wa Nzakómba, au lo laka Yesu.

36 Ak' iyo coaka nda mboka bau kita bokakú w' asi, ko bokúmbi au kela basi ba l' ane, mp' inama lai ?

37 Ko Pilipo au kela : aiyaka wo fúnga j' imedza nd' otem' okawe kela wo linama. Au lo amba : Nso limedza wai Yesu Masiya a le bóna owa Nza-kómba.

38 Au kela etombelú e yalema wai, ko iy' afe bau kitela nd' asi Pilipo la bokúmbi ko au lo ina.

39 Ko ak' iyo safwaka lim' asi Bolimú wa Nkolo au limola Pilipo, ko bokúmbi a fo ene lenkina nye, el' ende au coa mbok' ekande l' ekemo.

40 Lóló bau tana Pilipo nda Azoto ko au lúlúngana 'o 'úngúdz' esakú beólótsi nd' enang' enkuma lotadz' aki' nde o ki-taka Kaisalia.

LITATE IBWA.

1 Ko Saulo au tefela banyi ba nsasi-múdza el' akimi ba Nkolo, au co' eka nkanga ey' osaka.

2 Au lo ûl' ekanda a tomb' el' etúnga bea Ba-Yuda nda Damaseke, wai nkina au tana b' eleng' ene, baende l' amato, kela au la kanda, au la yela nda Yerusalem.

3 Koko aki' ndi 'o lekaka au tutama Damaseke, fole ey' öma eyo lo lingola lima lola.

4 Ko au kwa nd' atói, au loka lófósó lo tefêla : Saulo ! Saulo ! o n tumul' eu lai ?

5 Ko, au lamba, Nkolo wo le na ? Koko Nkolo au lamba : Eu nde Yesu o tumula we, bolo wai o cinda jina nda nsóngo.

6 Ko au lenga ndalenga l' öma. Au kela : Nkolo o langa n kele mo ? Nkolo au kela : Emala, kenda nd' onanga kela ba ko sangela o kela we.

7 Koko bantu ba kendaki l' ende bau yala kuci, ak' iyo 'okaka lófósó lóló ba f' en' ontu nye.

8 Ko Saulo a etswa lim' atói, ko aki baisu bakande ba umbwa a f' en' ontu nye, lóló bau lo suma la likata ko bau lo yel' ende nda Damaseke.

9 A w' aisu bets' esatu, a tafo l' efambe, ko a tafo mel' asi nye.

10 Bokimi ómókó a ki nda Damaseke lina likande Anania. Nkolo au lo kel' ende la lilótó, Anania; ko au lamba Emóne Nkolo.

11 Nkolo au lo kela : Emala, kenda nd' ólóngo, lina likande "Ci," ko ûla nd' ilómbe ya Yuda, ómó o tang' iyo Saulo owa Taluseu wai a önda.

12 Ko enaki la lilótó, bontu lina likande Anania au lótswa, ko au lafya likata el' ende wai au umbol' aisu' akande.

13 Limasókó Anania au lamba, Nkolo nso loka l' ant' ûke elókó ey' ont' óne, la bauyi' obe baki' nd' o kelaka el' akimi' ake nda Yerusalema.

14 Ko nk' ane a le la mpamba lim' ele nkanga y' asaka, a kanda ba ko önda we.

15 Lóló Nkolo au lo kel' ende : Kenda mbok' eke a le jumba li sön' eu 'o tomba lina likau nd' okala wa Bafaiya l' akulaka l' ana ba Yisalaele.

16 Nj' ifo tumy' ende bauyi b' ónene bando ka ende elú nd' elókó eya lina likau.

17 Ko Anania au coa mbok' ekande, au lótswa nd' ilómbe ko aki' nd' o afyaka likata likande el' ende au kela : Lilóngo Saulo, Nkolo wai Yesu oki w' enaka nda mboka aki w' akaka au n súkúdz' eu wai w' ifo lifol' aisu' akawe ko w' ifo kinda la Bolimú w' ólótsi.

18 Ko nkankoyoko ba le nga mposobau kwa lim' aisu 'akande, ko au lena lenkina, ko au lemala, ko au linama nd' asi.

19 A l' efambe ko au lok' ekemo, limasókó au yalema bets' emo l' akimi ba le nda Damaseke.

20 Ko nkankoyoko au lúngúdzá Masiya nd' ecumba bea Nzakómba wai a le Bóna owa Nzakómba.

21 Lóló bankuma band' o lok' ende bau kamwa, bau kela : Óne a f' o omaki bantu bando eta lina line nda Yerusalema, ko au ya la likambo line, wai au la kanda, ko au la tomba eka nkanga y' asaka.

22 Lóló Saulo au kemaki la mpamba, ko au tungya Ba-Yuda ba fetsaki nda Damaseke l' auyi, au la tumya, óne wai Masiya móngo.

23 Kokó aki bets' úke beo lekana Ba-Yuda bau coa nteke 'o om' ende.

24 Lóló Saulo au lia bau lo fal' ende, ko ba engela bisu la mbile l' otso, b' o om' ende.

25 Koko bakimi bau lo kol' ende la lotso, ko bau lo kitedz' ende nda likutu j' ilómbe nd' ifole.

26 Ko aki Saulo o kitaka Yerusalema au meka a sangana ende l' akimi, lóló iy' ankuma bau lo ang' ende, ko ba f' imedza a l' okimi.

27 Ókónde Barunaba au lo kola, au lo tomb' ek' akimi ko au la sangela eleng' eki' nd' o enaka Nzakómba nda mboka ko a tefelaki l' ende, ko eleng' eki' ndi o lakaka la bolo nda Damaseke la lina ja Yesu.

28 Ko au yala ende l' iyo, ótswaki ko olaki nda Yerusalema.

29 Koko au tefela la bolo mónico nda lina ja Nkolo Yesu, ko au likya ende la Ba-Ela, lóló iyo b' asa j' om' ende.

30 Aki balongo b' ia ngósó, bau lo yela nda Kaisalia, bau lo toma nda Taluseu.

31 Kela betúnga be ki wai nda Yudia la Ngalilaya la Samalio, ko bau lekela, ko bau kenda l' öma wa Nkolo, ko l' osalanganú w' olimú w' ólótsi, bau ful' úke.

32 Ko aki Petero o cuwanaka bekakú benkuma au kitel' ek' akimi ba yala nda Luda.

33 Ko a tanaki bont' ómó ko lina likande Ainea o k' eci la nkangi eya nkatana mpela bonaneí.

34 Ko Petero au lo kela Ainea! Yesu Masiya a ko ikya: Emala yo tanda ntangi ekawe ko au lemala nkasoyoko.

35 Bankuma ba ki nda Luda la nda Sarona b' o enaki, ko bau kengwa ele Nkolo.

36 Bokimi ómókó a ki nda Jopa lina likande Tabeita wai Doluka bomot' óne au kinda l' elemo beólótsi, l' elemo be' oya be kel' ende.

37 Ekek' eso okaki nkangi, ko a wa, ak' iyo solaka bau lo ila nd' ilómbe y' aliko.

38 Eki Luda e tutam' a Jopa, bakimi b' okaki Petero a k' eko bau toma bant' afe el' ende, bau lo ûla a y' el' iyo l' iango.

39 Ko Petero emalaki, ko au coa ende l' iyo, aki' nd' o akaka bau lo tomba nd' ilómbe y' aliko ko lituka linkuma bau lemala ntutama l' ende. Bau lēla lilēlo, bau tumy' enkoto la bito beki Doluka o sambaka aki' ndi el' iyo.

40 Lóló Petero odzak' iy' ankuma, au

sunamaki, ko öndaki Nzakómba, ko au kengwaki nd' ilaka au kela : Tabeita, emala, a umbol' aisu' akande ko aki' ndi o enaka Petero au kisasi.

41 O kâki likata likande, ko au lo sangy' ende, ko aki' ndi o etaka bakimi la lituka au la ka ende la lúi.

42 Ko ba le nda Jopa bankuma bau lia likambo line, ko bûke bau limedza Nzakómba.

43 Limasókó au yala bets' ûke nda Jopa l' ont' ómó, Simona, boaki wa likoto.

LITATE JOMO.

1 Bont' ómó a ki nda Kaisalia lina likande Kolunelio, elumbe ey' olúi, bolúi' oko wai bolúi wa Italia.

2 A ki bontu ow' ólótsi o angaki Nza-kómba la tólóngo tokande tónkuma, o kâk' antu baumba, ko a önda Nzakómba betso l' etso.

3 Enaki la lilótó, fole móngo, aki jeva

jo kita nda lofakatúi ja ngele, ekima eya Nzakómba au y' el' ende, ko au lo kela : Kolunelio !

4 Ko aki' ndi o alak' ende a anga, au lo úla, Nkolo likambo na? Koko au lo amba, beöndo l' elemo be' oya bekawe beo lulul' el' eu ngole jofwa, nd' okala wa Nzakómba.

5 Aiyoko tom' antu nda Jopa b' et' ont' ómó Simona lina ja nkitsa Petero.

6 A yala ende l'ómó Simona boaki wa likoto, ilómbe ikande i le nd' oselo wa lieke, ifo ko sangela bolemo boki wo kama.

7 Aki ekima, o tefelaka l' ende, a kenda, au let' asali' afe, ba ki nd' ilómbe ikande ko bounyi ow' ólótsi ondo kambyak' ende betso l' etso.

8 Aki' ndi o 'a tumyaka belem' ene benkuma au la toma nda Jopa.

9 Nga lobi ko ak' iyo kendaka la lokendo lokiyo, bau tutama nd' onanga, Petero undaki nd' aliko b' ilómbe o önda maönda aki jeva jo kita nd' ilongo.

10 Okaki nzala ná, a langa a l'efambe, lóló ak' iyo edzaka befambe au lóta lilótó.

11 Enaki lola lo kúmbwa ko jumba limo ng' eto ey' ónene e sambu nd' acungu baneí, jò kitela nd' ansi.

12 Nyáma y' akak' aneí y' okili i ki nd' etei, ko nyáma ya wale, la towawa la tofulu to' aliko.

13 Ko lófósó lo kit' el' ende : W' emala Petero boma, ko le !

14 Lóló Petero au kaula : a fa ngósó Nkolo. Nci lek' efambe nko loswele la bea mbindo.

15 Ko lófósó lo kel' ende lenkina : Beki Nzakómba o solaka to tangake nko loswele.

16 Bolem' óne bo kelama bekel' esatu, ko jumba jo kolama lenkina nda lola.

17 Aki Petero o ikyaka likóli bomongo au kela enelu ene na ? bala ; bantu baki Kolunelio o tomaka, b' ûlaki ilómbe ya Simona ko ba k' emi nd' okala wa wisu.

18 B' usaki luela, ko b' ûlaki aiyaka Simona lina likande ja nkitsa Petero a yak' eko.

19 Aki Petero o kanelak' enelú eso, Bolimú au lo sangela, bala : bantu basatu ba k' asa.

20 Emala ko kitela, kenda l' iyo, nko likóli, el' eu n da tomaki.

21 Limasókó Petero au kitel' el' antu baki Kolunelio o súkúdzak' el' ende, au kela bala : eu n d' ontu o as' inyo lo ya likambo na ?

22 Iyo bau kela Kolunelio elumbe ey' olúi, bontu ow' ólótsi o anga Nzakómbe, a memyama nd' onanga wa Yuda, au lok' osakú lim' ele Nzakómbe l' ekima ey' ólótsi, lo k' eta nd' ilómbe ikande 'o 'okúdz' auyi' ake.

23 Limasókó au la eta b' ótswa ko au la sambela. Nga mbile eya lobi ko Petero a kendaki ende l' iyo, ko balongo bamo lima Jopa bau coa l' ende.

24 Ko nga lobi ko bau mótswaki nda Kaisalia, ko Kolunelio au la fal' iyo ko

a takanyaki tólóngo tokande, la ba kendaki l' ende beseka.

25 Ko aki Petero o ótswaka, Kolunelio au lo fomanya, ko a kusama nd' akak' akande a memy' ende.

26 Lóló Petero au lo sangya, au kela; Emala eu móngo n d' ontu.

27 Ko aki' nd' o tefelaka l' ende, au lótswa ko au tan' úke w' antu bau takana nteke.

28 Au la sangela: Inyo lo lia aiyaka bontu owa Yuda a kenda ende l' ontu ow' onang' ómó, au sekol' osunga, ko eleng' eko aiyak indi o y' el' ont' ómó ow' onang' ómó, lóló Nzakómba au n tumyaki wai mpau tanga bontu oki' m ene, bontu nko loswele, la owa mbindo.

29 Eleng' eko nso y' el' inyo nko likóli ak' inyo n jetaka, nso l' úl' inyo lo n jetaki lai?

30 Ko Kolunelio au kela: mbil' eki lineí n kilak' efambe jeva jo kita ng' ane, ko aki jeva jo kita nd' ilongo m öndaki Nzakómba nd' ilómbe ikau, ko bala bont'

ómó a k' emi nd' okal' okau la benkoto bea fe.

31 Au kela, Kolunelio, beönd' ekawe beo lokana ko nganji ike yo lofwama nd' okala wa Nzakómba.

32 Tom' antu nda Jopa b' ete Simona lina likande ja nkitsa Petero, au yalema nd' ilómbe y' ont' ómó Simona boaki wa likoto nd' oselo wa lieke, oko asi' ndi o ya ifo tefela la we.

33 Nkakoyoko n ko súkúdzaki joi, ko o kelaki bólótsi wai w' akaki. Is' ankuma to le nk' ane nd' okala wa Nzakómba t' okúdz' auyi 'ankuma baki Nzakómba o ko lakaka.

34 Limasókó Petero 'umbolaki bomwa bokande ko au kela : La nsósóló nso lena Nzakómba a fo kanela bontu loswele nye.

35 Lóló nd' enang' enkuma, oso 'ang' ende ko oso kamb' elem' eólótsi au lo imedza.

36 Joi liki Nzakómba o súkúdzaka el' ana ba Yisalaele au la ka bosakú wa

“nko lisa” wa Yesu Masiya (a le Nkolo ey’ ankuma).

37 N tanga’ nde Joi liko inyo lo lia, li úngwanaki nda Yudia bonkuma li angaki lima Ngalilaya nd’ afeka b’ inelú iki Yoane o lakaka.

38 Wai Nzakómba a filolaki Yesu owa Nazareta l’ olimú w’ ólótsi la mpamba ond’ etetaki, o kelaki belemo beólótsi, o ikyaki ba kembamaki la lidóka wai Nzakómba a ki l’ ende.

39 Iso to le banenaki b’ elem’ enkuma beki’ ndi o kelaka nd’ onanga wa Ba-Yuda ko la nda Yerusalema, ok’ iyo omaka, ko ok’ iyo fanyaka nd’ ote.

40 Nk’ ende Nzakómba o kundolaki nd’ ets’ esatu, ko o tumyaki la folalú.

41 A f’ el’ ant’ ankuma, loló ele bane-naki baki Nzakómba o sónaka nd’ okala, nk’ iso ba leki l’ ende ko ba melaki l’ ende nd’ afeka aki’ ndi o kunjwaka lim’ iwa.

42 A to lakaki t’ úngúdz’ el’ antu, ko to tumya wai nk’ ende oki Nzakómba o

sónaka ifo yalema Botenyi ow' akambo owa ba tafo wa ko l' awei.

43 Nkanga nkuma bau telaki: el' ende wai nda lina likande ond' imedz' ende ifo kola loiko j' auyi' obe.

44 Aki Petero o tefelak' auyi' ane Bolimú w' ólótsi bo kitelaki ele band' okaki joi liko.

45 Band' imolaki nsunga band' imedza ba yaki la Petero, bau kamwa aki Bolimú w' ólótsi bo kaema ele Bafaiya.

46 Ek' iyo b' a okaka ba tefelaki ndaka ko ba memyaki Nzakómba. Limasókó Petero au kela :

47 Oso fek' asi wai bane ba le la nganji eya Bolimú w' ólótsi, ba fa inama ngol' iso, na ?

48 A sangelak' iyo : lo co' inama nda lina ja Nkolo. Limasókó b' o öndaki a kisasi bets' emo.

LITATE JOMO L' EMÓKÓ.

1 Ko likima la balongo ba ki nda Yudia b' okaki wai Bafaiya b' imedzaki Joi ja Nzakómba.

2 Aki Petero akaka nda Yerusalema band' imolaki nsunga bau likya likóli l' ende.

3 Bau kela : O ótswaki el' antu nta b' imola nsunga ko wo leki befambe l' iyo.

4 Lóló Petero utelaki joi liko lenkina lim' iango, ko a eneyaki l' ólótsi, au kela :

5 Eu n ki nd' onanga wa Jopa, m' öndaki ko n' enaki enelú nda lilótó jumba limo jo kitela ng' eto ey' ónene eya fe, jo kitela lima lola l' acungu bane jo kitel' el' eu.

6 Aki' m o temedzak' aisu' akau eko n kanelaki ko n' enaki nyáma y' okili y' akak' aneí, la nyáma ya biale la tofulu to' aliko.

7 N dokaki lófósó lo tefel' el' eu :
Emala Petero boma ! le !

8 Lóló n kelaki, A fa ngósó Nkolo, be-
fambe nkoloswele la bea mbindo nci leki.

9 Lóló lófósó lo n kela lenkina lima
lola, Beki Nzakómba o solaka to tangake
nko loswele.

10 Eleng' ene e kelamaki bekela be-
satu, ko bankuma ba sumamaki nda lola
lenkina.

11 Ko, bala : nkakoyoko bant' asatu
ba yaki nd' ilómbe iki' mi, bak' iyo
tomak' el' eu lina Kaisalia.

12 Bolimú w' ólótsi a n sangelaki :
kenda we l' iyo lako likóli, ko balong'
ane botoa ba kendaki l' emi, ko t' ótswaki
nd' ilómbe y' ont' oko.

13 Ko a to sangelaki eleng' eki' ndi
o enaka ekima ya Nzakómba nd' ilómbe
ikande o k' emi ko óndo sangelak' ende :
Tom' antu nda Jopa b' ete Simona lina
likande ja nkitsa Petero.

14 Oso ko sangel' auyi, kela we la tó-
lóngo toke l' ifo ika l' iyo.

15 Aki m o angaka lo tefela, Bolimú w' ólótsi bo kitel' el' iyo, ngok' ende l' iso nd' iango.

16 Limasókó n dofwaki joi ja Nza-kómba liki' nd' o tefelaka, wai Yoane inak' antu nd' asi nsósóló, loló inyo l' if' inama l' olimú w' ólótsi.

17 Eki Nzakómba a kâka nganji ngoki' ndi o to kâka band' imedzaki Nkolo Yesu Masiya eu n ki ngamo? n tendolaki Nzakómba nko?

18 Ak' iyo okak' auyi' ane b' ambyaki lófósó, ba kumyaki Nzakómba, bau kela : Siki Nzakómba a kâki Bafaiya eututaelú ele lúi.

19 Ko ba falanganaki nd' etumelú eki Setepano ba kendaki esi ba sukelaki nda Poinike la Kupulio la Antioka b' úngúdzaki joi ele Bayuda kika.

20 Bamo ba ki bantu ba Kupulio la Kulene. Iyo ak' iyo ákáka nda Antioka ba tefelaki la Ba-Ela b' a lakaki Yesu Masiya.

21 Ko likata ja Nkolo li ki l' iyo,

ko bant' ûke b' imedzaki b' elelaki Nkolo.

22 Limasókó bosakú w' elem' ene bo kitaki nd' atúi b' otúnga bo ki nda Yerusalema, ko ba tomaki Barunaba au coa sukela nda Antioka.

23 Oko aki' ndi o kitaka o enaki boya wa Nzakómba a kemaki, a lakak' iyo ma wai bau fótama la Nkolo la lokai j' otema.

24 Eki' ndi a ki bontu ow' ólótsi, au kinda l' olimú w' ólótsi la njimedza, ko bantú ba fulaki ele Nkolo.

25 Limasókó Balunaba a kendaki nda Taluseu 'o asa Saulo.

26 Aki' ndi o tanak' ende au lo yela nda Antioka, ko mpela emókó enkuma ba takanaki nd' otúnga, ba lakaki bant' ûke. Bakimi ba tangemaki Ba-Masiya nd' iango nda Antioka.

27 Nd' ekek' eso nkanga i yaki nda Antioka lima Yerusalema.

28 Ómó okiyo a k' emi, lina likande Agabo, a telaki la Bolimú w' óló wai, ekeke eya biani ifo liela nd' ekili 'enkuma.

Eso e kelaki nd' ekeke eki Kulaudio Kaisala.

29 Limasókó bakimi bankuma ngok' iyo edzaka ba lókódzaki wai b' ifo súkú-dza mpato eya liota ele balongo ba fetsa nda Yudia.

30 Ba kelaki ngoko ba súkú-dza ele lingambi ba kitsaki nd' akata ba Balunaba la Saulo.

LITATE JOMO LA LIFE.

1 Nd' ekek' eso Elode, bokulaka, a angaki lo tumula bamo b' otúnga.

2 A omaki Yakobo botomolo owa Yoane l' ivaka y' otali.

3 Ko aki' ndi 'o enaka Ba-Yuda b' okak' ekemo la ngósó au coa lenkina o kanda Petero (betso beki tókó nk' ote wa njûla).

4 Aki' ndi o kandaka au lo ila nd' ilómbe ya njanga o kâki eka baunyi baneí b' ola ko bam' aneí bau sulungana, b' o

esanya, a langa wai nd' afeka b' ekeke ey' elekelú a yela au lo ka eka bantu.

5 Petero a ko tungi nd' ilómbe ya njanga, ókónde Botúnga bo lo öndel' ende Nzakónba nko silama,

6 Aki Elode o langaka o odz' ende, bots' óso Petero a k' ēci ndatsa baesanyi' afe a ko cungi la biamwa bife, ko bae-sanyi ba k' ēmi nda wisu, b' esanyaki ilómbe ya njanga.

7 Ko bala : ekima eya Nkolo au y' el' ende, fole eyo kela nd' ilómbe ya njanga, au kunda Petero nda lofanji, au lo emadza, au kela : emala nkaula, bi-amwa bi kwaki lim' akata,

8 Ko ekima au lo kela : lemb' osenge, lóta nkovú, au kela ngoko. Au lo kela, lóta benkoto, kela wo n kim' eu.

9 Au lola ko, au liel' ekima nt' ia bolemo boki ekima o kambaka bo le nsósóló, a tanga au len' enelú.

10 Ak' iyo lekanaka ntena ey' okala la nten' emo bau kit' ekuke eya lolo, eya bokakú wa bola, e kúmbwaki ekómóngó.

B' olaki, bau cuwana isika imókó, ko nkakoyoko ekima o cikaki ko a kendaki.

11 Aki Petero o kitedzaka botema, au kela : Aiyoko nso lia nsósóló Nkolo a tomaki ekima, au n sikolaki lima likata ja Elode, ko la nendedza eya bantu ba Yuda.

12 Aki' ndi o kanelaka joi liko au ya nd' ilómbe ya Malia nyango eya Yoane, lina likande ja nkitsa Malako, bant' úke ba takana mpiko ba önda.

13 Aki Petero o kundelak' ekuke eya wisu, bónól' ow' omoto au y' okúdzá lina likande Lode.

14 Aki' nd' iaka lolaka ja Petero nta kúmbol' ekuke, éki' ndi au lok' esadza, lóló ikumwaki nd' etei, a sangelak' iyo Petero a k' ēmi nd' okala wa wisu.

15 Iyo b' o kelaki : O sungwa tönte, lóló au kóngó tefela o ngósó o tefel' emi. Iyo ba kelaki a le bolimú okande.

16 Ókónde Petero a kóngó kundela ko ak' iyo kúmbolak' ekuke, bau lo ena, ko bau kamwa.

17 Lóló aki' ndi a etaka la likata, wai b' ambya lófósó, au la sangela elenge eki Nzakómba o odzaka lim' ilónbe ya njanga. Au kela ko, kenda yo tumya Yakobo la balongo belem' ene. Au kenda ko au coa nd' okak' ómó.

18 Aki jeva o kieke jenge jo kelaki el' aunyi, wai Petero au coa nko?

19 Aki Elode o asaka, ko nt' o ena, au lûla bando esanyaki ko au kela wai b' om' iyo. A kitela lima Yudia nda Kaisalia, ko au yal' eko.

20 Ko Elode okaki nkele uá l' antu ba-Tulio la ba-Sidona, lóló ba yaki la lokai lómókó el' ende, ak' iyo kótsaka lilóngo la Bulaseto botanji owa ntangi ey' okulaka ba asaki wai, eki bonang' okiyo bo at' efambe l' onanga w' okulaka.

21 Mbil' ek' iyo andaka Elode l' enkoto be' okulaka a ko kisasi nd' ieko y' okulaka, a tefelaki el' iyo.

22 Bantu b' elemúdzaki, bau kela: "lófósó ja Nzakómba emó a fa j' ontu."

23 Nkakoyoko ekima eya Nzakómba o omaki wai nta ka Nzakómba lokumu, ko towawa t' o leki, ko a lis' olimú.

24 Lóló joi ja Nzakómba jo kema kò jo fula.

25 Ko Balunaba la Saulo, b' utaki lima Yerusalema ak' iyo sidzaka belemo bekiyo, bau tomba Yoane l' iyo, lina likande ja nkitsa Malako.

LITATE JOMO LA LISATU.

1 Ba ki nd' otúnga bo ki nd' Antioka, nkang' imo l' alaki' amo ngole Balunaba la Simiona ok' iyo tangaka Nigela la Lukio owa Kulene la Manae, ok' iyo óngolaka la Elode bokulaka, la Saulo.

2 Ak' iyo kambelaka Nzakómba belemo, ko ba kilak' efambe Bolimú w' ólótsi au kela: O n kafwele Balunaba la Saulo, bau n kambel' elemo beki' m' a etaka.

3 Ak' iyo kilak' efambe ko ba óndaki

b' afyaki' akat' akiyo el' iyo ko b' a tomaki.

4 Ak' iyo tomamaka la Bolimú w' ólótsi ba kenda nda Seleukia, ko lim' eko ba semola ko ba kenda nda Kupulio.

5 Ko ak' iyo ákáká nda Salamino ba lakaki joi ja Nzakómba nd' ecumba be' öndo bea Ba-Yuda, ko ba fili Yoane bolaki 'okiyo.

6 Ak' iyo cuwanaka ekoli nda Papo, ba tanaki nkang' emo, boteli w' ampulu, bontu ow' ayuda, lina likande Ba-Yesu.

7 O ki l' okulaka ow' onanga (Selungio Paulo), bontu owa lokai ónd' etaki Balunaba la Saulo a langa a loka joi ja Nzakómba.

8 Lóló Eluma, nkanga, ba sómbolaki lina likande eleng' ene, a sukaki a lasa a kengola bokulaka lima njimedza.

9 Limasókó Saulo ok' iyo etaka Paulo a kindaki l' olimú w' ólótsi, akaki baisu' akande el' ende.

10 A kelaki: O kinda l' okakatanu, l' auyi' obe bankuma, wo le bóna owa

lidóka, botúyi ow' auyi ba önga, o fa ambya lo fengol' auyi b' óló ba Nza-kómba?

11 Bala! likata ja Nzakómba li lafema ele we, ko w' ifo wa' aisu, o fa ena jeva ekek' emókó. Nkakoyoko emómóngi e kitelak' el' ende ko la wilima, etetaki au las' ontu o lo sum' ende la likata.

12 Limasókó bokulaka aki' ndi o ena-ka bolemo bo kambemaka, imedzaki, a kamwaki lilako ja Nzakómba.

13 Aki Paulo la botúng 'okande o semolaka lima Papo ba yaki nda Peluga owa Pamepulia, ko Yoane a cikaki ko utaki nda Yerusalema.

14 Lóló ak' iyo kendaka lima Peluga ba yaki nda Antioka, nda Pisidia b' ótswaki nd' ocumba w' oöndo nda mbile ey' Eyenga ko bau kisasi.

15 Ko nd' afeka b' eandelo ey' eleka la nkanga, basaka b' ocumba w' oöndo ba tomak' el' iyo bau kela: Inyo baende l' alongo: Aiyaka lo langa lo lak' antu joi, lo sanga ko.

16 Limasókó Paulo au lemala, a sang-yaki lö ko a kelaki: Baende ba Yisalaele, ko inyo bando anga Nzakómba l' okúdzá :

17 Nzakómba ey' ant' ane ba Yisalaele a sónaki baise bakiso a kumyaki bantu, ak' iyo yalaka ng' afaiya nd' onanga wa Ezipeto a odzaki la lö j' otali.

18 Ng' ekeke eya mpela ntuk' ineí a tukyaki belemo bekiyo nd' etekeleke.

19 Aki' ndi o fanzak' enanga nsámbo nd' okili wa Kanana a kafelaki bekili bekiyo litate litate.

20 Nd' afeka ko a kâki batenyi b' akambo likeke ja mpela benkam' eneí la mpela ntuk' itanu esike nk' aki nkanga Samuela.

21 Limasókó ba langaki bokulaka ko Nzakómba a kâki Saulo bóna owa Kiso jende j' otúnga wa Benjamina ekeke eya mpela ntuk' ineí.

22 Aki' nd' o imolaka, a atelaki Davidi o yal' okulaka' okiyo el' ende au tumya, au kela: N tanaki Davidi bóna owa

Yisai, bontu elengele botem' okau mónico ifo kamba be lókódz' eu.

23 L' ana b' ont' óne Nzakómba atelaki Yisalaele Boikyi Yesu, ngoki' nd' o kelaka.

24 Yoane úngúdzaki, bokala w' eyel' ekande, inelú y' eututalelú, el' ant' ankuma ba Yisalaele.

25 Aki Yoane o silidzak elem' ekande, a kelaki: Inyo lo kanel' eu n de na? Eu m p' ende lóló bala! ómó ifo ya nd' afek' akau eu m p' elama lo lembola nkovú y' akaka' akande.

26 Baende la balongo! bana ba bolúi wa Abalayama, ko baso anga Nzakómba nd' etei ekinyo, el' inyo joi ja loiko lóne jo tomama.

27 Ek' iyo baso fetsa nda Yerusalema la basak' akiyo, ek' iyo nta b' o iaki, ko nta b' iaki ndaka ya nkanga yo andema cu-mbile ey' eyenga ba edzaki ak' iyo siselak' ende iwa.

28 Iyo nta b' enaki likambo j' iwa el' ende, lóló b' ûlaki Pilato bau lo om' ende.

29 Ak' iyo sidzaka belemo be kótamaki nd' elók' ekande b' o kitedzaki lim' ote, ko b' o ambyaki nda likila.

30 Ókónde Nzakómba o kundolaki lim' iwa.

31 Enyaki bets' úke el' iyo ba yaki l' ende lima Ngalilaya nda Yerusalema ko iyo bando enaki ba sangel' antu.

32 Ko iso to lo sangela besakú beólótsi, wai elaka e cikalaki ele baise.

33 Nzakómba a sidzaki eso el' iso, l' ana' akiyo, wai aki' nd o kundolaka Yesu lenkina ngoki o kótamaki nda nsau, y' ataud' afe, wai O le bóna owa jende bokau mbil' ene N ko otaki.

34 Nd' elókó eya o kundolaki lim' iwa ko a fa uta lo fóna lenkina a tefelaki eleng' ene: Nj' ifo ka inyo tosei toa nsósóló.

35 Koko a tefelaki nda nsau emo, o fau cik' ómó oke owa líóngi en' efondelú.

36 Davidi aki' ndi o kambyaka lioci likai la ndókódza eya Nzakómba a k' éci ilamaki el' aise, enaki efondelú.

37 Lóló ende oki Nzakómba o kundo-laka nt' enaki efondelú nye.

38 Kela joi line jiana el' inyo baende la balongo, wai nd' elókó ey' ont' óne jo lúngwana el' inyo loiko j' auyi' obe.

39 Ko l' ende band' imedza ba ika l' elem' enkuma, lim' eso lo fo ateya loiko l' oleka wa Mose.

40 Lo ala: lo kend' iköki nyango joi li tefelamaki la nkanga li fo y' el' inyo.

41 Lo ala inyo, tofeno, ko lo kamwa ko lo fitana wai nso kamb' elemo nd' ekek' ekinyo, bolemo bok' inyo lo fa imedza nkin' ontu au lo laka.

42 Aki Ba-Yuda olaka lim' ocumba w' oöndo, Bafaiya b' ûlaki wai bauyi 'ane b' ifo lakema el' iyo nd' Eyenga ey' afeka.

43 Aki nteke o fanzwaka bûke wa Ba-Yuda la baututalaki ba lilako ba kimaki Paulo la Balunaba, ak' iyo o 'a lakaka b' a sangela ba yalema nda Boya wa Nzakómba.

44 Mbile ey' Eyenga ey' afeka bonang'

onkuma bo takana, bo cika nk' isisi, b' okúdzá joi ja Nzakómba.

45 Lóló aki Ba-Yuda enaka nteke ba kamaki l' inkunya, ko ba fengolaki bauyi baki Paulo o tefelaka, b' ikyaki ko ba tolaki.

46 Limasókó Paulo la Balunaba ba tefelaki l' olo, wai bólótsi Joi ja Nzakómba li tefelamaki nd' iango el' inyo, lóló ak' inyo 'usaka lim' el' inyo ko lo la tang' inyo mónico lo f' elama la lúi lo fo sile, wai to kengwana el' afaiya.

47 Eleng' eko Nkolo a to lakaki, a kelaki : N do ilaki fole eya Bafaiya, wai w' ifo yalema loiko ele a sukela bokili.

48 Aki Bafaiya okaka ngósó b' okaki ekemo, ko ba kumyaki joi ja Nkolo ko baso ika ele lúi lo fo sile b' imedzaki.

49 Ko Joi ja Nzakómba j' úngwanaki nd' onang' onkuma.

50 Lóló Ba-Yuda bau súmainya bama-to ba linsimi ko ba líongi, ko basaka b' onanga, ko ba tumulaki Paulo la Balunaba b' a odzaki lim' enanga 'ekiyo.

51 Lóló ba titolaki bakaka' akiyo el' iyo, ko ba yaki nda Ikonio.

52 Ko bakimi ba kemaki l' ekemo, ko ba kindaki l' olimú w' ólótsi.

LITATE JOMO LA LINEÍ.

1 Limasókó nda Ikonio iy' ak' afe b' ótswaki nd' ocumba w' oóndo wa Ba-Yuda, ba tefelaki ko bant' úke, Ba-Yuda la Ba-Ela, b' imedzaki.

2 Lóló ba-Yuda baki nta b' imedzaki ba súmainyaki Bafaiya, ko ba memolaki betema bekiyo wai ba tún' alongo.

3 Ba móngaki lómóngi ná, ba tefela la nkasú ewela Nkolo ónd' imedzaki joi likande j' oya, a kâki ntadza l' efilo b' ifo kambema l' akat' akiyo.

4 Lóló nteke ey' onanga eyo kafwana, bamo ba ambana la Ba-Yuda ko bamo la likima.

5 Ak' iyo lúngumwaka Bafaiya la Ba-Yuda l' asaka' akiyo o 'a tumula o' a usa likeli.

6 B' iaki ko ba lutaki nda Lusetula la Delube, benanga bea Lukaonia ko nd' enanga beo tutsi.

7 B' úngúdzaki besakú beólótsi mpiko.

8 Bont' ómó a kisasi nda Lusetula a waki nd' ekolo, a lemelaki lim' otema wa nyango, nt' etetaki nye.

9 Oko, okaki Paulo a tefelaki, óndo cuedzaki, o enaki a ki la njimedza lo ika.

10 A tefelaki la lófósó j' ónene : Emala ci nd' akaka ! ko a fumwa, ko au leteta.

11 Aki Bantu o enaka bolemo oki Paulo o kambaka, b' elemúdzaki, ba kela, nda lófósó ja Lukaonia : Nzakómba bau kitel' el' iso nda likúya j' antu.

12 B' etaki Balunaba Zeu, la Paulo Elume eki' ndi o lekola bólókó.

13 Limasókó nkanga eya Zeu o ki nd' okala w' onanga' okiyo a yelaki ngómbó la ndóbya nda bisu a langa o memya l' antu.

14 Aki likima, Balunaba la Paulo okaka ngoso, b' átáki benkoto' ekiyo b' ikumwa nd' etei ey' antu b' elemúdza.

15 Bau kela : Bafafa', lo kela belem' ene lai? Iso to le bantu baende elengel' inyo, to lo laka lo kengwana lima baui' ane ba lituku, ele Nzakómba nta waka, ónd' emaki lola l' okili la lieke, la belemo beuma be l' eko.

16 O cikaki benanga benkuma b' eteta l' aui' akiyo móngo, ekek' eki' okala.

17 Ókónde nta cika bomóngo nko ónd' a lakaka, wai a kelaki' ólótsi, ko a to kâki mbula lima lola, la likeke j' amuka, a kinz' etema ekiso l' efambe l' ekemo.

18 Ko la baui' ane nta sukaki' antu ólóko, el' iyo ba langa b' a kumya la nganji.

19 Ba-Yuda bamo ba yaki eko lima Antioka la Ikonio ba súmainy' antu ko b' uselaki Paulo likeli b' o sumaki ndansa b' onanga ba kanela a wa.

20 Okónde aki bakimi b' o lingolaki, a sangwa, a mótswa nd' onanga nga lobi ko a kenda la Balunaba nda Delube.

21 Ak' iy' úngúdzaka besakú beólótsi nd' onang' oko, ba lakaki bant' úke b'

utaki lenkina nda Lusetula ko nda Ikonio la Antioka.

22 Ba kemy' elimú bea bakimi, b' a laka ba yala nda njimedza wai to lótswa nda likulaka ja Nzakómba l' elú ná.

23 Ak' iyo sónaka mpaka nd' etúng' euma, ko ak' iyo öndaka la ekila ey' efambe, bau la öndel' iyo Nkolo ok' iyo imedza.

24 Ak' iyo cuwanaka Pisidia bau kita nda Pamepulia.

25 Ak' iyo úngúdzaka joi nda Perga bau kitela nda Atalia.

26 Lim' eko ba kendaki nda Antioka, eko ba öndelak' iyo Nzakómba nd' elókó eya bolemo bok' iyo kambaka.

27 Ak' iyo ákáka ko bau takanya botúnga, b' a sangelaki belem' euma beki Nzakómba o kambaka l' iyo ko elengeki' ndi o kúmbwelak' afaiya ekuke eya njimedza.

28 Ko ba móngak' eko lómóngi na iyo l' akimi.

LITATE JOMO LA LITANU.

1 Bam' antu ba kitelaki lima Yudia ba lakaki balongo, ba kela : nkin' inyo lo fo tena nsunga elengeki Mose, lo fa ika.

2 Aki Paulo la Balunaba o seke l' iyo ko b' ikyaki likóli l' iyo ba langaki wai Paulo la Balunaba l' amo 'akiyo ba kenda nda Yerusalema ele likima la basaka la likambo line.

3 Aki botúnga o cindedzaka, bau cuwana Poinike la Samalio, b' úngúdza eututaelú ey' afaiya, ko ba kemyaki balongo bankuma.

4 Ak' iyo ákáka nda Yerusalema ba kolamaki la botúnga ko la likima la basaka ko ba sangaki belem' euma beki Nzakómba o kelaka l' iyo.

5 Lóló bamo ba bolúi wa ba-farisi ba sangwaki, band' imedzaki, bau kela : bólótsi wai o ten' iyo nsunga, ko bau limedza boleka wa Mose.

6 Ko likima l' asaka ba takana 'o 'anga likambo line.

7 Aki likóli jo lekola Petero ēmi, au la kela : Baende l' alongo, inyo lo lía wai kala kala Nzakómba a sónaki nd' etei ekiso wai l' omwa bokau Bafaiya bau loka joi j' esakú beólótsi, bau limedza.

8 Ko Nzakómba önd' ia betema au la imedza wai au la ka Bolimú w' ólótsi ngoki' ndi o kelaka el' iso.

9 Nta cikwany' iso l' iyo au luola betema bekiyo la njimedza.

10 Inyo lo meka Nzakómba lai? lo ila ekata nda nkingo y' akimi, ek' iso la baise' akiso nta to kuseya.

11 Lóló iso to limedza wai la boya wa Nkolo t' ifo ika ngol' iyo.

12 Limasókó ntek' enkuma eyo yalema wai, ko b' okúdza Balunaba la Saulo bau sanga belemo be' ofilo la bauyi ba nka-kamwa baki Nzakómba o kelaka nd' etei ey' afaiya l' iyo.

13 Ak' iyo ambyaka lófósó lokiyo Yakobo au lamba au kela : Balongo lo n jokúdza.

14 Simiona a sangaki eleng' eki Nzakómba o kendaka el' afaiya 'o kola lim' el' iyo botúng' ómó ele lina likai.

15 Bauyi ba nkanga b' ēli la likambo line ngoki e kótamaki.

16 "Nd' afeka ya joi line nj' if' uta, ko nj' ifo túnga ilómbe ya Davidi i kweke lenkina, nj' ifo túnga bailu' akande lenkina nj' ifo uteya.

17 Wai bantu ba ciki bau lasa Nkolo ko Bafaiya bankuma bak' iyo kitsaka lina likau, Nkolo óndo kamb' elem' ene' enkuma au tefela eleng' ene.

18 Belem' ekande benkuma biana el' ende lim' iango y' okili.

19 Kela wango bokau bo le wai to fa tumula iyo ba Bafaiya ba kengwanaki ele Nzakómba.

20 Ókónde to kót' el' iyo bokanda wai ba kila belemo bea likúya, ko la jibi ko la nyáma ek' iyo kúmaka ko la balongo!

21 Eki Mose lima kala kala a fili nd' enang' euma band' imedz' ende o andema nd' ecumba be' öndo cu-Eyenga.

22 Limasókó likima l' asaka ko l' otúng' ouma bau tom' aende ba bolúi okiyo, bak' iyo sónaka, nda Antioka, la Paulo la Balunaba, bain' akiyo ba le: Yudasa lina ja nkitsa Balusaba la Sila basaka ba balongo.

23 Ko ba kótel' iyo bekanda, eleng' ene: Likima l' asaka l' alongo ba sisela bosise ele balongo ba le bafaiya nd' Antioka la Alama la Kilikia.

24 Ak' iso okaka bamo b' olaki lim' el' iso bau lo tungya l' auyi bau lengisanya belimú bekinyo, bau kela lo tena nsunga ko l' imedza boleka! nta to lak' iyo ngósó nye.

25 Ak' iso takanaka to kanela wai joi j' ólótsi to tom' el' inyo baende bak' iso sónaka la Balunaba la Paulo bantu bakiso ba liota.

26 Bantu ba ta kanelak' iwa nd' elókó eya lina ja Nkolo Yesu Masiya.

27 To tomaki Yudasa la Sila, b' ifo sangel' inyo belem' ene l' omwa.

28 Jo lenya bólótsi el' olimú w' ólótsi

l' el' iso wai to fo kokya bolit' 'ómó el' inyo nk' auyi ba feö kika.

29 Wai lo kila bek' iyo kâka ele likúya, ko lim' alongo ko lima nyáma ek' iyo kúmake, ko lima jibi, aiyaka lo kil' iyo wai lo kel' ólótsi Lo kenda wai.

30 Ak' iyo' a sisaka bau ya nda Antioka, ko ak' iyo takanyaka nteke bau la ka bokanda.

31 Ak' iyo' andaka bau kema l' auyi' ako.

32 Yudasa la Sila iyo mónico ba ki nkanga, ba laka balongo l' auyi' úke ko bau la kemya.

33 Ak' iyo mónico' eko emóngi, balongo bau la cindedza l' óló ele likima.

34 Ókónde Sila au lok' ólótsi au yal' eko.

35 Paulo la Balunaba ba yaka nda Antioka, bau laka ko bau lúngúda joi ja Nkolo, l' ant' amo' úke.

36 Nd' afeka b' ets' emo Paulo au sangela Balunaba: Yaka to kende lenkina to co' ala balongo 'akiso nd' enang'

enkuma bek' iso úngúdzaka joi ja Nkolo,
kela t' ene eleng 'ekiyo.

37 Ko Balunaba au lókódza a tomba
Yoane, lina likai ja nkitsa Malako.

38 Ókónde Paulo au kanela ngós' obe
o tomb' ende l' iyo, o tengwelak' iyo
lima Pamepulia ko nta kenda' o kamb'
elemo l' iyo.

39 Ko lisa jò lekol' olo ndats' iy afe,
ko ba ambwana ko Balunaba au kola
Malako, bau semola bau coa Kupulio.

40 Ko Paulo au sóna Sila ko a kenda,
aki balongo ba öndelak' iyo Nzakómba
boya bokande.

41 Au cuwana Alama la Kilikia, a
kemya betúnga.

LITATE JOMO L' OTOA.

1 Limasókó au ya nda Delube la
Lusetula, ko lo ala' bokimi' ómó a ki eko
lina likande Timoteo, bóna owa jende ow'
omot' ómó owa Yuda ónd' imedzaki, lóló
ise ekande a le Bo-Ela.

2 Balongo ba le nda Lusetula la Ikonio b' o kumyaki.

3 Paulo au lókódza a kenda l' ende, au lo kola o tena losunga lokande, elókó ey' ayuda ba ki eko, ek' iyo iaka ise ekande a le Bo-Ela.

4 Ak' iyo cuwanaka benanga bau la ka beleka beki likima l' asaka ba le nda Yerusalema o sekyaka, kela ba' ang' eleka.

5 Eleng' eso betúnga beo kema la njimedza, ko beo fula 'cu-mbile.

6 Ak' iyo cuwanaka Pulugia la Galatia bau sukama l' olimú w' ólótsi ba fo lúngúdzá joi nda Asia.

7 Ak' iyo kitaka Musia, bau langa bau coa nda Bitunia, lóló Bolimú w' ólótsi au la suka.

8 Ak' iyo' úlúnganaka Musia bau kitela nda 'Tuloada.

9 Enelú eyo lenyâ ele Paulo lotso. Bontu owa Makedonia a k' emi, au lo önda, au kela : Yaka mpe nda Makedonia o to kambya.

10 Aki' ndi o enaka enelú nkakoyoko to meka to kenda nda Makedonia, to lia fole, Nzakómba au to eta, wai to lúngúdz' esakú beólótsi el' iyo.

11 To semolaki lima Tuloadá ko to ya nda bolongo wa ci, nda Saínatulake, nga lobi ko nda Neapoli.

12 Lim' eko nda Pilipoi, bonang' o leki benang' euma nd' okak' oko wa Makedonia, ko bo le etakano, ko to yak' eko bets' emo.

13 Nd' Eyenga, to kenda lim' onanga nd' eselo eya ntandu, ek' iyo öndaka Nzakómba, to kisasi ko to sùla l' amato ba takanaki mpiko.

14 Bomot' ómó, lina likande Ludia, a sùmbya bete bea lifóló, bosí bonanga wa Twaleila o öndaki Nzakómba, au t' ok' iso, Nkolo au fomwa botem' okande, ko au sífúdba bauyi baki Paulo o tefelaka.

15 Aki' nd' inamaka la bolúi' okande a t' ùl' iso, au kela, Aiyak' inyò lo n tang' eu nso limedza Nkolo 'ólótsi, lótswa nd'

ilómbe ikau, kela lo yal' eko, ko a to káma.

16 Ak' iso coak' o önda Nzakómba, livúkú limo o ki la bokali la Putono au kumana l' iso. A yelaki nkolo ikande nkito l' elem' ekande.

17 Bomot' oko au kima Paulo l' iso, au lelemúdza au kela: bant' ane ba le basali ba Nzakómba ey' ónene ná, ba t' eney' iso mboka eya loiko.

18 Au kel' eleng' ene bets' ûke, lóló Paulo a wa la lokeseli, a kengetswa, ko au kela bokali, nso ko sangela la lina ja Yesu Masiya imana lim' el' ende, ko au limana nkakoyoko.

19 Aki nkolo ikande enaka nkito ikiyo yo kenda, bau kanda Paulo la Sila, ko bau la suma nd' okakú wa isúmba ek' asaka.

20 Bau la yela ek' atenyi ba likambo, bau kela: Bant' ane ba le Ba-Yuda bau fuky' onang' okis' ûke.

21 Bau laka lilenge li f' elama l' eleka 'ekiso, wai iso Ba-Loma to f' ambola ko to f' imedza.

22 Nteke eyo lelama y' a tumula, ko batenyi ba likambo bau kanjola benkoto bekiyo, bau lak' antu bau la kunda.

23 Ak' iyo 'a kundaka, bekund' ûke, bau la ila nd' ilómbe ya njanga, bau sangela wesanyi au la esanya' ólótsi.

24 Aki' ndi okaka ngósó au la súkúdzá nda ntena e le nd' etei, au lil' akaka' akiyo nda lifoki.

25 Nd' etekole ey' otso, Paulo la Sila ba önda, ko b' emba nsau ya losumu, ele Nzakómba, njanga bau lok' iyo.

26 Bokili bo fuka la lisanzu ko baómba ba ilómbe ya njanga bau fuka, ko nka-koyoko likuke linkuma li kúmbwa, la likata j' antu 'ankuma li tungwa.

27 Wesanyi wa njanga a etswa lim' iló ko au lena likuke j' ilómbe ya njanga jo kúmbwa, au lósól' ivaka ikande, a langa a om' omóngo, a kanela njanga yo lúta.

28 Ókónde Paulo au beledza la lófósó j' ónene, au kela : to kake we móngo efe, is' ankuma to l' ane.

29 Limasókó au let' itswa au fumwa nd' etei, a lenga ndalenga, a 'osama nd' okala wa Paulo la Sila.

30 Au la odza ko au kela : Bafafa, eu m bike la na ?

31 Iyo bau kela ; limedza nda Nkolo Yesu Masiya, kela wo ika la bolúi 'oke.

32 Bau lo laka joi ja Nkolo, ko l' ant' ankuma ba ki nd' ilómbe ikande.

33 Ko au la kola nkakoyoko lotso, au sola mpúta ikiyo, ko inamaki ende l' olúi' okande aiyoko' yoko.

34 Aki' nd' a yelaka nd' ilómbe ikande, au lo ambedz' efambe nd' okal' okiyo, au kema eki' nd' o imedza Nzakómba l' olúi' okande bonkuma.

35 Aki jeva o kyeke batenyi ba likambo bau toma bekolo, bau kela tungol' ant' ane.

36 Wesanyi wa njanga au sangela Paulo ngósó wai batenyi ba likambo bau lo toma 'o tungol' inyo lo kenda la wai.

37 Ókónde Paulo au la kela, ba to kundaki nda fole, nta to mek' iso, to le

basi-Loma, ba t' il' iso nda njanga, koko aiyoko ba t' odz' iso la njongola, lako, nsósóló; loló w' a cik' iyo mónico bau y' o to kola.

38 Ko bekolo bau sangela batenyi ba likambo baui' ane, ko ba anga ak' iyo okaka ba l' asi Loma.

39 Ba y' o önd' iyo ko bau la odza bau la ûla ba limana lim' onanga.

40 Bau lola lima njanga ko bau lótswa nd' ilómbe ya Ludia, ko ak' iyo enaka balongo bau lambula bolengeli bokiyo, ko ba kenda.

LITATE JOMO LA NSAMBO.

1 Ak' iyo cuwanaka Ampipoli la Apolonya bau ya nda Tesalonike bo-cumba wa boöndo wa Ba-Yuda bo ki eko.

2 Ko Paulo nd' elenge eki' ndi au lótswa el' iyo, ko lienga lisatu au likya l' iyo l' aui ba Nzakómba.

3 Au la laka, ko au la tumya fole;

bólótsi wai Masiya au loka liefe 'ûke ko au kunjwa lenkina lim' iwa ko Yesu 'óne, o lak' emi inyo, a le Masiya.

4 Bamo' akiyo bau limedza, ba ambana la Paulo la Sila ko Ba-Ela b' ólótsi bûke mónico, l' asaka b' amato a f' isisi.

5 Lóló Ba-Yuda, ba t' imedza, bau lok' inkunya, ko bau kol' am' antu b' obe ba bolúi bo f' óló, bau takanya nteke, ko bau fuky' onanga ko bau kundel' ilómbe ya Yasona ba langa ba la odz' el' antu.

6 Ak' iyo ba tafo tana, ba suma Yasona la balóng' amo ek' asaka b' onanga, b' elemúdzaki ba kalimolaki benang' euma bau ya.

7 Baki Yasona o sambelaka, bau sekola beleka bea Kaisala, bau kela : a le boku-lak' ómó Yesu.

8 Ak' iyo okak' auyi' ane bau tungya bantu l' ekúmbi be' onanga.

9 Ak' iyo kolaka inkoe, lima Yasona ko l' ómó, bau la tungola.

10 Nkakoyoko Balongo bau toma Paulo la Sila lotso nda Beloya, ak' iyo

akaka bau lótswa nd' ocumba w' oöndo wa Ba-Yuda.

11 Bane bau lekola ba-Tesalonike l' ólótsi, wai bau limedza joi aiyoko, ko ba 'anda bokanda wa Nzakómba cu-mbile, nkina bauyi 'ane ba le nsósóló.

12 La ngósó bûke 'okiyo bau limedza, l' amato b' imemya la ba-Ela baende bûke.

13 Ókónde, aki Ba-Yuda 'okaka joi ja Nzakómba jo lúngwana la Paulo nda Beloya, bau y' eko ko bau súmainy' antu.

14 Limasókó balongo bau toma Paulo nkakoyoko au coa nda lieke, lóló Sila la Timoteo ba yala nk' eko.

15 Lóló ba sambúdzaki Paulo, bau lo yela nda Atenai, ak' iyo ataka lotomo 'o co 'ete Sila la Timoteo, bau y' el' ende la lomo lomo, ba kenda.

16 Aki Paulo o falaka nda Atenai botem' okande bo lula, aki' ndi o enaka bonanga bo kinda la lifúya.

17 Au coa ikya nd' ocumba w' oöndo

la Ba-Yuda, ko la bantu b' óló, la nd' isúmba, cu-mbile, l' iyo bando fomana l' ende.

18 Limasókó bamo ba biana ba-Epiko la ba setoiko, bau fomana l' ende. Bamo bau kela “bolefel' óne ifo kela mo? bae bau kela,” a le elengele bolaki wa Nza-kómba imo i l' afaiya, eki' ndi o a lakaka Yesu l' ekunjwelo.

19 Bau lo kola, ko bau lo yela nda Aliopago, bau kela : to langa t' ia lilako line j' aiyoko liki wo to lakaka li le mo?

20 Eki wo yela baui' amo nd' atúi' akiso, to langa t' ia baui' ane ba le ngamo.

21 (Eki basi Atenai la bafaiy' akiyo nta kamb' em' elemo, bau tefela ko bau lokúdza nk' auyi b' aiyoko.)

22 Limasókó Paulo au lemala nd' etei eya Aliopago, au kela : Inyo bantu ba Atenai, nso lena nd' elem' enkuma, inyo lo le timedz' imedza.

23 Aki m o lekanaka nso lena beöndo bekinyo, nso tana ekila l' auyi' ane “Eka

Nzakómba e fiana," oko o memy' inyo o l' inyo lo fia, oko nso' lo laka.

24 Nzakómba ónd' emaki bokili l' elem' enkuma be l' eko, a le Nkolo eya lola l' okili, a fo yalema nd' ecumba be túngemaki l' akata.

25 A fo memyama l' akata b' antu, elengele au lela bolemo, wai au ka bankuma lomo la lúi l' elem' enkuma.

26 Emaki baoci bankuma la lilongo limókó, ba fetsa nd' okili, a kelaki likeke likiyo ko l' aki bafeta' akiyo o sukelaka.

27 Wai b' if' asa Nkolo aiyaka bau lo amamba el' ende, ko bau lo tana ókónde a le nk' esi el' iso 'ankuma.

28 Wai to fuka, ko t' eteta ko to ata lomo lokiso l' ende ngole bamo bakóci ba nsau bakinyo mónico ba tefelaki : Iso ko to l' an' akande.

29 El' iso to l' ana ba Nzakómba to fau tanga elenge eya Nzakómba ngole kóngo la lipalata la ekeli baki bantu o kambaka la lokai la wanya bokiyo.

30 Likeke line ja wungusanú Nza-kómba au la tukya, loló aiyoko au sangela bantu bankuma nd'ekak'enkuma ba 'ututala.

31 Eki ndi o sisaka mbil' esi' ndi o anga bokili l' auyi band' eli la bontu oki' ndi o sónaka, a kâki inkoe el' ant' ankuma aki' ndi o kundolaka lim' iwa.

32 Ak' iyo okaka likambo j' ekunjwelú lim' iwa, bamo bau seka, ko bamo bau kela : T' if' okúdzá lenkina nda likambo line.

33 Ko Paulo au limana lim' el' iyo.

34 Ókónde bam' antu bau lo fótama, bau limedza, nd' olongo' okiyo ba le Dionusio bosí Aliopago, ko l' omoto lina likande Damali l' amo l' iyo.

LITATE JOMO L' ONANEI.

1 Aki belem' ene o silaka Paulo au limana Atenai, ko au ya nda Kolinto.

2 Au tana bont' ómó owa Yuda lina likande Akula, bosí Ponto, o yaki nko

kala kala lima Italia, la wali' okande Pulisekila (aki Kulaudio o kelaka Ba-Yuda bankuma bau limana Loma) ko au y' el' iyo.

3 Eki' ndi o sungi belemo a yak' ende l' iyo, au kamb' elemo, wai belem' ekiyo be le batúngi ba tolombe toa lito.

4 Au likya nd' ocumba w' oöndo cu-Eyenga ko au kama Ba-Yuda la Ba-Ela.

5 Aki Sila la Timoteo b' akaka lima Makedonia, Paulo au kama nd' olimú, ko au laka Ba-Yuda, wai Yesu a le Masiya.

6 Ókónde ek' iyo bau lo fenola, ba sidza Nzakómba ngóló, au fukusa bonko-to' okande; ko aú kel' iyo: balongo' akinyo ba le nd' etsa ekinyo mónico, eu nde suto lim' aiyoko, ko nso coa ek' afaiya.

7 A kenda, ko au lótswa nd' ilómbe y' ont' ómó, lina likande Yusetó, o memya Nzakómba, ilómbe ikande i sungi l' ocumba w' oöndo.

8 Kulisipo bosaka w' ocumba w' oöndo au limedza Nzakómba, ende l' olúi' okande, ko basi Kolinto bûke, ak' iyo okaka, bau limedza, ko bau linama.

9 Limasókó Nkolo au kela Paulo : lotso l' enelú. To angake ! lóló kongo sanga, to yalake wai !

10 Eu n de la we, ko nk' ontu a ko tumula' o ko ka efe, eu m pili' ant' úke nd' onang' óne.

11 Au móngá mpiko mpela la nsúngi botoa, au lak' auyi ba Nzakómba nd' etei el' iyo.

12 Aki Galio bokulak' ómó owa Akaya, bantu ba Yuda ba ka Paulo wamba, la wango' ómókó, bau lo yela nd' okakú wa bakambo.

13 Bau kela : bont' óne a lak' antu ba memya Nzakómba l' auyi ba f' elama l' eleka.

14 Aki Paulo o angaka' o tefela Galio au kela : Ba-Yuda, aiyaka line li le likambo j' obe ko likambo ja nkakatanya, inyo ba-Yuda, bólótsi wai nso l' okúdza.

15 Ókónde aiyaka li le likambo j' auyi l' aina l' eleka, likambo wai likinyo mónico, eu mpau tena bakambo bane.

16 Ko au la imola lima bokakú wa bakambo.

17 Limasókó ba-Ela bankuma bau kola Sosekene, bosaka ow' ónene ow' ocumba w' oóndo, ko bau lo kunda nd' okala w' okakú w' akambo, ko Galio nta kanela baui' ane nye.

18 Paulo ko au mónica mpiko emóngi, ko limasókó au sisa balongo, a semola, a kenda nda Alama, Pulisekila la Akula ba kenda l' ende, a sakaki' abu nda Kendulea eki' ndi o sua bosui.

19 Au ya nda Epeso, ko au la cik' iyo mpiko, loló bomónico au lótswa nd' ocumba w' oóndo ko au likya ende l' ayuda.

20 Ak' iyo ûlak' ende au mónica el' 'iyo nt' imedza.

21 Ókónde au la sisa, au kela nsósóló, nj' ifo kenda nd' elambo eyo liela nda Yerusalema, loló nkina Nzakómba a

langa, nj' if' uta lenkina el' inyo, ko au semola lima Epeso.

22 Aki' ndi o semaka nda Kaisalia a lûla botúnga, ko au kitela nda Antioka.

23 Aki' ndi o yalak' eko ekeke, a kenda ko au landa nd' onang' onkuma wa Ngalilaya la Pulungia nkânya, au kemya bakimi.

24 Bontu ow' ayuda ómókó, lina likande Apolo o otswaki nda Alesandulia bontu owa nkasú, au lekela l' auyi ba Nzakómba, au ya nda Epeso.

25 Bont' óne au lia elenge eya Nzakómba ko bolimú' okande bo kema, ko au tefela, au laka belemo bea Nzakómba, au lia nk' inelú ya Yoane.

26 A anga lo tefela l' olo nd' ocumba w' oöndo, aki Akula la Pulisekila b' okaka bau lo kol' el' iyo bau lo laka elenge eya Nzakómba, bólótsi.

27 Aki' ndi o langaka' o kenda nda Akaya, balongo bau kóta bokanda, bau laka bakimi lo sambel' ende. Aki' ndi o

akaka, au la kamby' ûke band' imedzaki la boya.

28 Au likola bakóli ba Ba-Yuda nda nteke, au la laka l' auyi ba Nzakómba, wai Yesu a le Masiya.

LITATE JOMO L' IBWA.

1 Aki Apolo nda Kolinto ko aki Paulo o cuwanaka liselo ja lieke, ja lolo, au ya nda Epeso, ko tan' amo' akimi.

2 Au la kela "Inyo lo ata Bolimú w' ólótsi lim' ak' inyo imedzaka nde?" Bau lo amba: To taf' oka a le Bolimú w' ólótsi.

3 Au la kela ko: Inyo lo inama ele na? Bau kela, ele inelú ya Yoane.

4 Limasókó Paulo au kela: Yoane inaki la inelú y' eutataelú, au sangel' antu wai b' if' imedza bomóngo oso liel' ende, wai Masiya Yesu.

5 Ak' iyo okaka eleng' ene, bau linama la lina ja Nkolo Yesu.

6 Aki Paulo o afyaka' akat' akande

el' iyo, Bolimú w' ólótsi bo y' el' iyo, ko ba tefela la ndaka, ko bau laka l' ofilo.

7 Ko bant' ankuma ba le nkina jomo l' afe.

8 Au lótswa nd' ocumba w' oöndo, ko au laka l' olo, ekeke eya nsúngi isatu au likya ko au likola belemo bea likulaka ja Nzakómba.

9 Ókónde bamo ba le belúndú, ko ba f' imedza ko ba fenola likambo like nd' okala wa nteke, au limana el' iyo, au limol' akimi, ko au la laka cu-mbile nda sukulu eya bont' ómó Tulano.

10 Eleng' ene eyo kela mpel' ife, ko bant' ankuma ba fetsaki nda Asia, bau loka joi ja Nkolo Yesu la Ba-Yuda la Ba-Ela.

11 Nzakómba au filola befilo be' ónene, l' akata ba Paulo.

12 Wai lima jionge likande bau tombela ba-nkangi totambala la lito j' okala, ko nkangi ikiyo yo limana el' iyo, ko bekali be' obe beo lola lim' el' iyo.

13 Limasókó bamo Ba-Yuda ba weteto

ba imola bekali be' antu ba anga lo anda lina ja Yesu, el' iyo ba le l' ekali be' obe, bau kela : to lo kama la lina ja Yesu oki Paulo o lakaka.

14 Ba le bana baende ba Sekewa bontu ow' a-Yuda, bosaka owa nkanga ba kelaki eleng' eko.

15 Ko bokali 'obe au lamba : au kela : Nso lia Yesu, ko nso lia Paulo, loló inyo na ?

16 Bontu o ki l' okali' obe au fumwa el' iyo, au lekol' iyo ko au la umba ko bau lúta lim' ilómb' iko l' otaka ko la mpúta.

17 Joi line jo liana ele Ba-Yuda bankuma, la Ba-Ela ba fetsa nd' Epeso, iy' ankuma ba anga, ko lina ja Yesu jo memyama.

18 Bûke band' imedzaki bau ya ba liedz' auyi, ko ba eneya belem' ekiyo.

19 Bûke okiyo ba kamb' elemo bea nkanga be' öma bau yela bekanda bekiyo ntaanya, bau la tumba nd' okala w' antu, ko ba anda boanji okiyo bo koka bapalata nkút' itanu.

20 Joi ja Nzakómba jo lúngwana ko jo kema eleng' eko.

21 Aki' elem' ene beo silaka, Paulo au lókódza nd' otema aki' ndi o cuwanaka Makedonia la Akaya, 'o kenda nda Yerusalem, au kela, aki' m' o co' eko kela nj' ene Loma nd' afeka.

22 Ngoko au tom' afe' akiyo nda Makedonia b' o kambyaki, Timoteo la Elaseto, lóló bomóngo mele au yalema nda Asia ekek' emókó.

23 Nd' ekek' eso etumwelú eyo kela la likambo liso,

24 Eki bont' ómó lina likande Demeulio, boculi owa bapalata, ónd' emaki likúya ja Diona, bau kitola nkit' úke ele bakambi.

25 Baki' ndi etaka l' akambi ba sungi l' iyo, au kela: Bameka, inyo lo lia to at' aumb' akiso l' olem' óne.

26 Ko inyo lo lena ko lo loka wai a fa nd' Epeso kika, lóló nd' enang' enkuuma bea Asia ba ciki nko soi soi, Paulo óne au kam' antu ko au kengol' ant' úke,

au kela, iyo bak' iyo emaka l' akata ba fa Nzakómba.

27 Eleng' ene wai bolem' one bokiso bo tutama 'o sótsama, koko bocumba wa Nzakómba ekiso ey' ónene Diona, ifo fenwa, ko líongi likande l' ifo fitana, oko Asia linkuma l' enang' enkuma o memyaka.

28 Ak' iyo okaka bauyi' ane bau kinda la nkele, ko bau lelemúdzza bau kela, Diona eya Epeso a l' ónene.

29 Bonanga bonkuma bo lekola jenge ak' iyo kandaka Gaya la Alisitaluko basi Makedonia ba sambúdzaki Paulo la nkenndo ikande, bau likumwa iy' ankuma nd' okakú w' isano.

30 Aki Paulo o langaga 'o lótswa el' antu bakimi bau lo suka.

31 Bamo bekúmbi bea Asia balong' akande bau lo súkúdzza joi bau lo úla a f' ótswa nd' okakú w' isano.

32 Bamo b' elemúdzaki joi limo ko bamo joi limo, wai nteke eyo lengesana, ko bant' úke ba fia likambo lik' iyo takanaka.

33 Bau suma Alesandulo lima nteke, bantu ba Yuda bau lo sukula nd' okala, Alesandulo au la sasa la likata, a langa a lókóla bólók' okande.

34 Lóló ak' iyo iaka a le bontu owa-Yuda, bau lelemúdza la lófósó lómókó, likeke ja jeva life. “Diona eya Epeso a l' ónene.”

35 Aki bokúmbi ow' onanga o sasak' antu au kela: Inyo bantu ba Epeso bontu o fia bonanga wa Epeso bo memya Nzakómba ey' ónene, Diona la ekúya e kweke lima Zeu na?

36 Inyo lo lena belem' ene be fo ate likóli, ko bólótsi lo yala wai, lo fo kamb' elemo bea nkunumwa.

37 Inyo lo yelaki bant' ane, ba fa tia j' ecumba bea Nzakómba ko ba fa bantu bando sidza ngóló eya Nzakómba ey' omoto ekinyo.

38 Wai aiyaka Demetulio la bakambi ba le l' ende ba ata likambo l' óm' ontu, boleka bo l' ane, ko batenyi ba likambo ba l' endoko, w' a cike ba samba likiyo likambo.

39 Ókónde lo langa bam' akambo, wai b' ifo sambema nda nteke mónico.

40 El' iso to tutam' a likambo nd' elókó eya jengi jengi ja mbil' ene, wai e le nko cina loswele eya ntek' ene t' a sangel' iyo.

41 Aki' ndi o tefelaka eleng' ene au fanzola nteke.

LITATE NTUK' IFE.

1 Aki wengisanú o silaka, Paulo au leta bakimi el' ende, au la sambela ko a kenda' o coa nda Makedonia.

2 Aki' ndi o kânyaka nd' ekek' eso, au la lak' iyo úke, au ya nda Elada.

3 Au yal' eko nsúng' isatu. Aki Bantu ba Yuda b' o lóngaki, au tutama o semola' o kenda nda Alama, a langa a luta nda mboka eya Makedonia.

4 Bantu b' o sambúdzaki nda Asia wai Sopatula bosi Beloya, Alisitaluko la Sekundo basi Tesalonike ko Kaya bosi Delube ko Timoteo la Tukiko la Tolupimo basi Asia.

5 Iyo ba kendaki bokala ko ba to falaki nda Tuloadā.

6 Ko to semola lima Pilipoi aki betso bea mampa eya nk' ote wa mpafula beo silaka, ko to y' el' iyo nda 'Tuloadā betso betanu, ko to yal' eko betso nsambo.

7 Mbile ey' okala w' eyenga aki bakimi o takanaka 'o tena tökö Paulo au la laka, a salingwa a kenda nga lobi a kongo tefela esike nk' aki etekole eya lotso eyo liela.

8 Ba ki tocwa' ūke nda ntena e le nd' aliko, ek' iyo takanaka.

9 Bosikot' ómó a kisasi nda wisu, lina likande Eutuko au letama bo, ko aki Paulo o tefelaka emóngi, au lekol' iló ko au kwa lim' aliko mónico, bau lo ambola a wa.

10 Paulo au kitela, ko au kusam' el' ende, au lo mama, au kela : Ta lo angake a tafo wa.

11 Aki' ndi utaka lenkina nd' aliko, au tena inyóle, ko a la, a lókóla emóngi mónico esike nko jeva jo kya, ko a kenda.

12 Bau yela bosikota a ika, ko bau lok' ekemo' ûke.

13 Iso to kundela bokala ko to kenda nda Aso, to langa wai to kundedza Paulo, ngoki' ndi o sangaka, bomóngo a langa a simbi nd' okili.

14 Aki' ndi o fomanaka l' iso nda Aso, to lo kundedza, ko to ya nda Mitulene.

15 To semola, ko to kita nga lobi ntu-tama la Kio, ko nga lobi to sema nda Satno, ko to lutsa nda Tulogulio ko nga lobi to kita Mileto.

16 Eki Paulo o langaka o lekana Epeso, nyango teke teke nda Asia, wai a kenda la lomo, au kita Yerusalema mbile eya " ntuk' itanu."

17 Lima Milite au toma ekima 'o ete lingambi j' otúnga.

18 Ak' iyo' akaka el' ende au la kela : Inyo lo lia lim' aki' m o 'akaka nda mbile eki' okala nda Asia, eleng' eki m o yaka el' inyo likeke linkuma.

19 N kambyaki Nkolo la wai la mpi-sali' ûke la jelo, aki Ba-Yuda o m pataka.

20 Nci lo isa joi jo ónga el' inyo, ókónde nso lo tumya, ko nso lo laka nd' okala w' antu la nda tólómbe tokinyo.

21 N tumyaki Ba-Yuda la Ba-Ela eututaelú ele Nzakómba la njimedza ele Nkolo Yesu Masiya.

22 Ko lo ala! Nso kenda nda Yerusalem botema bo lakana, wai mpia baui b' ifo kwel' eu mpiko.

23 Ókónde Bolimú w' ólótsi au n sangela nd' enang' enkuma au kela likata la jelo bau m pala.

24 Lóló belem' ene benkuma be fó mpukya, ko mpo kanela lúi lokau wai ndanga n siledza ekeke ekau l' ekemo, la belemo beki m o kolaka lima Nkolo Yesu o tumya besakú bea boya wa Nzakómba.

25 Ko eu nso lia wai inyo' ankuma n do lakaki baui ba Nzakómba lo fa ena elungi ekau lenkina nko nye.

26 Kela nso lo sangela mbil' ene, wai eu mpeko nda likambo liko ja balongo b' ant' ankuma.

27 Eki nci angaki lo sangel' inyo bauyi' ankuma ba Nzakómba.

28 Lo al' inyo mónico, la botúnga oki Bolimú w' ólótsi o lo kitsaka bekolo, lo leya botúnga wa Nzakómba boki ndi o súmbaka l' alongo bakande mónico.

29 Wai eu nso lia, asi m o kenda, nyama ya biale i f' ótswa nd' etei ekinyo i fa ikya botúnga.

30 Lím' el' inyo mónico bantu b' ifo kunjwa, ko bau tefel' auyi b' ampulu lo angol' akimi el' iyo.

31 Lo engela ko lo lofwa, aki mpel' isatu nci fónyaki lo lak' inyo ma cu lotso la cu mbile la mpisali.

32 Ko Balongo, nso lo öndela Nza-kómba la joi j' oya likande ifo lo kemya ko ífo lo ka lisango, el' inyo lo luwaki.

33 Nci langa bapalata b' antu la bangoldi la benkoto.

34 Nsósólo inyo mongo lo lia bakat' ane bau n kambel' eu belemo bekau be ndeli, la ba ki l' emi.

35 N do tumyaki belemo benkuma

MONGO ACTS.

H

wai ak' inyo kamb' elemo bekinyo lo kambya la tóngói ko lo lofwa bauyi baki Nkolo Yesu o kelaka nkaka yo lekola nakola l' ólótsi.

36 Aki' ndi o tefelaka ngósó, a kusama ko a önda l' iyo ma.

37 Iyo ma bau lēla lilēlo ná, ko bau lo sambela nkingo eya Paulo ko bau lo leya bolumba.

38 Bau lekola lokeseli nd' elókó eya bauyi baki ndi o tefelaka wai ba fa ena elungi ekande lenkina, bau lo cindedza nda watu.

LITATE NTUK' IFE L' EMÓKÓ.

1 Ak' iso lenaka l' iyo to semola ko to leka nd' ólóngo wa ci nda Kosa, nga lobi ko nda Lode, lim' eko nda Patala.

2 Ak' iso tanaka watu bo kenda nda Poiniko, to kundela, ko to kenda.

3 Ak' iso enaka Kupulio to cika nda lö j' enso ko to kenda nda Alama, to sema nda Tulio wai mpiko bau safol' aumba.

4 To tana bakimi ko to yak' eko betso nsambo, bau sangela Paulo la Bolimú w' ólótsi wai a fau coa nda Yerusalema.

5 Ak' iso sidzaka bets' eso to kenda to coa mboka ekiso. Iyo ma ba to cinde-dza nda mboka ekiso l' âli l' an' akiyo esike nk' akiso imana lim' onanga, to kusama nd' eselo ko to önda.

6 Ak' iso sisanaka to kundela, ko iyo bau lut' ola lenkina.

7 Ak' iso sidzaka lokendo lima Tulio, to ya nda Petolemaido to l' ûl' alongo ko to yal' el' iyo mbil' emókó.

8 Nga lobi iso bolúi wa Paulo to kenda, ko to ya nda Kaisalia to lótswa nd' ilómbe ya Pilipo, ekima ey' osakú w' ólótsi a ki ómó owa nsambo, to yal' el' ende.

9 Bont' oko a le l' ana b' amato banéi, benjemba, ba tafo kol' aende ko ba lak' antu.

10 Ak' iso yalaka mpiko bets' ûke, nkang' emo au kitela lima Yudia, lina likande Agabo.

11 Aki' ndi o kitaka el' iso, au kola bonsenge wa Paulo, ko au lemba bakata l' akaka 'akande mónico, kela Bolimú w' ólótsi au tefela eleng' ene Ba-Yuda la Yerusalema b' ifo angela bomónico w' osenge nd' akata b' afaiya.

12 Ak' iso okaka ngósó, iso la basi eko, to lo ûl' ende wai a fau coa nda Yerusalema.

13 Limasókó Paulo au lamba ; Inyo lo lëla, lo langa lo ten' oloko' okau nde ? eu mónico nso lelama a fa lo tungama kika, ókónde lo wa nda Yerusalema nd' elókó eya lina ja Nkolo Yesu.

14 Aki' ndi nta langaki lokamo, to lambya ko, to tefela kela ndókódza eya Nkolo eyo liela.

15 Nd' afeka b' ets' eso to lambol' aumba' akiso, ko to kenda nda Yerusalema.

16 Bam' akimi ba Kaisalia ba kenda l' iso, ko bau tomba l' iyo bont' ómó lina likande Menasona owa Kupulio, bokiini wa kala kala wai t' ifo yal' el' ende.

17 Ak' iso kitaka Yerusalema balongo ba to sambela l' ekemo.

18 Nga lobi ko Paulo au lótswa l' iso eka Yakobo ko basaka bankuma ba ki eko.

19 Aki' ndi ûlak' iyo au la sangela folalú belemo beki Nzakómba o kambaka ele Bafaiya la bauyi 'akande.

20 Ak' iyo' okaka bau memya Nkolo ko bau lo kela : Lilongo wo lena nkútú nga ya Ba-Yuda bau limedza, ko iyo ma bau langa boleka ndalanga móngo.

21 Ko iyo bau lia la we, wai o laka Ba-Yuda bankuma ba le ek' afaiya Bau sundola Mose ko ba fau tena nsunga y' an' akiyo ko ba fau limedza belem' ekiyo.

22 To kela ngamo? nteke ifo takana wai b' if' oka wo ya.

23 Kela eleng' ek' iso to ko sangela. To le l' aend' aneí bau kil' óngila ;

24 Kol' iyo ko w' a sola we móngo l' iyo, lekedz' aumba' akiyo wai bau kol' abu' akiyo kela bant' ankuma bau lia

baui' ankuma bak' iyo' okaka, nda likambo like ba l' ampulu, wai we mónico o leteta la wai ko wo limedza boleka.

25 Nda likambo j' afaiya band' imedza, iso to kótel' iyo wango bokiso, wai ba fa imedza baui bane nye, ókónde bau kil' efambe bek' iyo kâka likúya, ko la balongo, la nyama ik' iyo komaka, ko la jibi.

26 Limasókó Paulo au kol' ant' ako, nga lobi au la sol' omónico l' iyo, au lótswa nd' ocumba w' oöndo o tumya lotadza j' ekeke eya nduola esike nk' aki nganji eyo kaema nd' elókó ek' iyo ma.

27 Aki betso nsambo o tutamaka o sila, Ba-Yuda baki Asia ak' iyo o enaka nd' ilómbe ya Nzakomba, bau súmainya bant' ankuma nd' ocumba w' oöndo, ko bau lo kanda,

28 Bau beledza. Bantu ba Yisalaele, lo to kambya; óne wai bontu o súmainy' ant' ankuma ekek' enkuma wai ba tún' antu ko la boleka l' okak' óne koko bau

yela ba Ela nd' ilómbe ya Nzakómbe ko a fit' okakú w' ekila.

29 Ek' iyo enaka l'ende Tulopimo bosí Epeso nd' onang' oko, ko bau kanela Paulo au lo tomba nd' ocumba w' oöndo.

30 Bonang' ouma bo fuka, ko bantu bau likumwa bau lukwana, ko bau kanda Paulo bau lo suma lim' ocumba, ko bau kúmba likuke.

31 Ak' iyo etetaka o om' ende, joi jo kita elúmbe eya baunyi wai Yerusalema bankuma bau kela jengi jengi.

32 Nkakoyoko au kola baunyi la líúmbe likiyo, au likumwa el' iyo, ko ak' iyo enaka elúmbe ey' osaka la baunyi, bau lambya lo kunda Paulo.

33 Elúmbe au tutama ko au tomba Paulo, au kela bau lo tungya la biamwa bife, au lûla a le na? ko la bolemo boki' ndi o kambaka.

34 Bamo bau lelemúdza joi limo, ko bamo limo, nda nteke, ko aki' ndi ntiaki ncina eya likambo, au sanga bau lo tomba nd' ilómbe ya baunyi.

35 Ak' iyo kitaka nd' eundelú bofuki w' antu bo lekola, ko au tombamaki l' aunyi.

36 Wai nteke ey' antu eyo liela, hau lelemúdzá : Lo om' ende !

37 Ak' iyo sumaka Paulo nd' ilómbe ya baunyi, au lûla Elúmbe : N danga n tefela la we, au lo ûla, kamba wo lia lófósó ja Ba-Ela ?

38 Kamba wo fa bosí Ezipeto o fukaki nd' okala w' ekek' ene, ko o sumaki nd' etekeleke bantu nkút' ineí ya ba-omi b' antu ?

39. Ókónde Paulo au kela : Eu n de bontu o le bosí Yuda owa Taluseu, bonanga wa Kilikia, bosí bonanga wa líóngi, ko nso ko ûla o n cike n tefela l' antu.

40 Aki' ndi o imedzaka, Paulo au lemala nd' eundelú, au la sas' antu la likata likande. Ak' iyo yalemaka wai móngo, au la kaula la lófósó ja Ba-Yuda, au kela :

LITATE NTUK' IFE LA LIFE.

1 Bantu, balongo la baise ; l' okúdzá bólókó bokau, bosí' m o lókól' el' inyo.

2 Ak' iyo okaka, au tefela la lófósó ja Ba-Yuda el' iyo, bau yala wai ko au kela :

3 Eu n de nsósóló bontu owa Ba-Yuda, m botswaki nda Taluseu, bonanga wa Tilikia, ókónde bau m óngola nd' ouang' óne nd' akaka ba Ngamaliele, ko nso lakema baui ba önga ba boleka w' aise, ko nso lekola ele Nzakómba ele-ngel' inyo mbil' ene.

4 Nso fukya likambo line l' iwa mónico, nso kanda ko nso lila nd' ilónbe ya njanga baende l' amato.

5 Eleng' ene nkanga ey' osaka au limedza l' asak' auma, lim' iyo mbataki bekanda ele balongo, ko nso coa nda Damaseke o yel' iyo ba tungama nda Yerusalema wai b' ifo sisúdzama.

6 Aki m o kendaka, nso tutama nda Dameseke aki jeva nd' ilongo, fole ey' ónene eyo n jelíngwa.

7 Nso kwa nd' ansi ko nso loka lófósó ló n kela: Saulo; Saulo; ó m pukya lai?

8 Nso lamba ko, Nkolo we na? Au n kela. Eu n de Yesu owa Nazareta oki wo tumulaka.

9 Ak' iyo ba ki l' emi o enaka fole ókónde nta b' oka lófósó lokande o tefelaki l' emi.

10. Eu nso kela: Nkolo n kela ngamo? ko Nkolo au n kel' eu. Emala; kenda nda Damaseke kela ba ko sangela mpiko belemo benkuma beo lakema, besi wo kela.

11 Aki mi nc' ena, wai fole eyo lekola, n sumama la likata likiyo ba ki l' emi nso ya nda Damaseke.

12 Ómó, lina likande Anania, bontu owa líóngi ónd' imedza boleka, a le l' imemya y' ólótsi la Ba-Yuda bankuma ba yak' eko.

13 Au y' el' eu, au lemala au n kela: Lilongo Saulo; kola enelú ekawe; nka-koyoko nso lo ala.

14 Au kela, Nzakómba eya baise' akiso a ko sóna, wai w' if' ia ndókódza ekande, ko w' if' ena Bont' oko ow' ólótsi ko w' if' oka lófósó j' omwa' okande.

15 Wai w' ifo yalema ng' ontu on' enaki owa belemo beki w' enaka la beki we okaka.

16 Ko o fala we na? .emala ko wo inama, o sola baui' obe' akawe asi w' eta Lina ja Nkolo:

17 Aki m o' akaka lenkina nda Yerusalem, nk' aki m o öndaka nd' ilómbe ya Nzakómba n k' ēci ko.

18 N enaki au n kel' eu : Fudza loke-ndo, imana nkaula lima Yerusalem wai ba fa imedza baui' akawe nd' elókó' ekau.

19 Eu n kela : Nkolo, iyo bau lia eu n kandaki, ko eu n kundaki nd' ocumba w' oöndo ba k' imedzaki.

20 Aki balongo ba "bonenaki" 'oke Setepano o lekaka, eu n k' ēmi ntutama, nso limedza iwa ikande, n desanyaki lito j' antu bando omak' ende.

21 Au n kel' eu ko : Kenda kela nso ko tom' esi ek' afaiya.

22 Ko iyo bau loka joi line, limasókó bau lelemúdza bau kela : Imola bontu ng' oko lim' okili, bobe wai a yo kenda.

23 Ak' iy' elemúdzaka bau lusa lito likiyo ko bau lusa biucu nd' aliko.

24 Elúmbe ey' osaka au kela bau lo yela nd' ocumba w' aunyi, au kela bau lo meka l' olili, wai if' ia nkina b' elemúdzaki la nkele. •

25 Ak' iyo tungyak' ende l' esenge bea mposo ya nyama, Paulo au kela elúmbe ey' aunyi, end' emi mpiko, joi li ónga o kunda bosí Loma ok' iyo ba tafo meka ?

26 Aki elúmbe okaka ngósó, a kenda a sangela elúmbe ey' osaka, au kela, ofwa joi liki wo kela, wai bont' óne a le bosí Loma.

27 Limasókó Elúmbe ey' osaka au ya, au lo kela : Ó n sangela wo le bosí Loma ? Au lo amba, ende.

28 Elúmbe ey' osaka au kela. La

wiko w' ónene eu n súmbaki nsómi ene,
ko Paulo a kela : Lóló eu m botswaki
nsómi.

29 Nkakoyoko baso sisúdz' ende bau
limana lim' el' ende, ko elúmbe ey' osaka
a anga aki' ndi iaka a le bosí Loma,
eki ndi o tungyaka.

30 Nga lobi ko a langa a lia ncina
eya likambo liki Ba-Yuda o fatak 'ende,
ko au lo tungola lim' esenge be ki l' ende,
au laka basaka ba nkanga la nteke ekiyo
bau takana, ko bau kitedza Paulo bau lo
ila nd' okala' okiyo.

LITATE NTUK' IFE LA LISATU.

1 Paulo au cuedza nteke, au kela :
bantu l' alongo ; n kendaki l' otema w'
ólótsi, esike nk' aki mbil' ene.

2 Ko nkanga ey' osaka Anania au
sangela ban' emi ntutama l' ende bau lo
oma nd' omwa,

3 Limasókó Paulo au lo kela : Nza-
kómbe ifo ko oma we, o le likutu lik' iyo

isaka liengo, wo kisasi o n tenel' eu likambo, ko w' a sangela bau n kunda, baui ba f' elama l' oleka.

4 Iy' an' emi ntutama bau kela. O fangwela nkanga ey' osaka eya Nzakómba nde?

5 Limasókó Paulo au kela: Nci fia, balongo, a le ukanga ey' osaka, wai e kótamaki' o fau memola bokúmbi w' antu' akawe l' auyi' obe.

6 Ókónde aki Paulo enaka, bolúi ómó bo le wa Ba-Sadoke, ko bolúi ómó wa ba-farisi, au beledza nda nteke, au kela: bantu l' alongo, eu u de bo-farisi bóna owa bo-farisi, bau mek' eu nda likambo ja n' endedza la ekunjwelú eya bant' awei.

7 Aki' ndi o tefelaka ngósó, bau likyana likóli ndatsa Ba-farisi la Ba-Sadoke, ko nteke eyo kafwana.

8 Ele Ba-Sadoke bau kela: e le lako ekunjwelú, ko lak' ekima eya lola, ko lak' olimú ókónde Ba-farisi b' imedz' iy' ankuma.

9 Bau lelemúdza ko bakóci bau

singana l' olúi wa Ba-farisi, bau lemala ko bau likya l' auyi' b' olo, bau kela iso to f' en' obe el' ont' óne, nkina bolimú, nkina ekima, au lo lak' ende, ambya nyango lo fa una la Nzakómba.

10 Aki likóli jo lekol' olo, elúmbe ey' osaka a anga, nyango ba fo kala Paulo, au laka baunyi bau kitela, ko bau lo tomba l' olo lim' el' iyo, ko bau lo yel' el' ende nd' ocumba w' aunyi.

11 Ng' otso wa lobi, Nkolo au lemala ntutama l' ende, au kela : Kel' olo Paulo, ngoki wo memolaka nda Yerusalema, w' ifo memola nda Loma.

12 Aki jeva o alaka, bamo ba Yuda bau takana ba anga wango wa nsimbi ey' iwa, bau kela : ba fa le, ko ba fa mela, esike nk' ak' iyo oma Paulo.

13 Ba coaki lokuku ja njangela loso, bau lekola ntuk' ineí.

14 Bau ya eka nkanga y' asaka, ko bau kela, t' a simbol' iso mónico la etoli ey' ónene, wai to fa l' efambe nye, esike nk' ak' iso oma Paulo.

15 Inyo ko la nteke lo sangela elúmbe ey' osaka au lo yela el' inyo lobi, nga lo langa lo ûla ncina eya likambo likande' ólótisi, ko iso, a singi o tutama, to lelama to lo oma.

16 Aki bón' a nkana owa Paulo owa jende okaka njangel' ekiyo, a kenda ko au lótswa nd' ocumba w' aunyi o sangela Paulo.

17 Limasókó Paulo au let' elúmbe emó el' ende, au kela Yela bosikot' oko el' elúmbe ey' osaka, wai a ata joi au lo sangela.

18 Au lo kola ko au lo yela ek' elúmbe ey' osaka, au kela: Paulo loanga, au n jeta a m önda o tomba bosikot' óne ele we, a ata joi a ko sangele.

19 Limasókó elúmbe ey' osaka au lo kita la likata, au coa lokuku l' ende, au lo ûla, joi li langa wo n sangela na ?

20 Au kela: Ba-Yuda, iyo ma ba langa ba k' ûla wai o kitedza Paulo lobi nda nteke, nga iyo ba langa bau lûla joi el' ende fole.

21 Ókónde t' a imedzaki wai mpiko bantu ntuk' ineí bakiyo b' o fala bando simbolak' iyo mónico l' etoli, ba fa la ko ba fa mel' asi esike nk' ak' iyo om' ende, ko aiyoko bau lelama bau fal' elaka lim' ele we.

22 Eleng' eko elúmbe au sisa bosikota a kenda, au lo kela to sangalak' ontu nye, eleng' eki wo n dakak' auyi' ane.

23 Au let' el' ende lilúmbe life, au kela : lo edza baunyi benkam' efe ba kenda nda Kaisalia, bantu ba mpunda ntuku nsambo, l' antu ba kits' akónga benkam' efe, asi botso bo kita ekeke ey' ótswelú.

24 W' a ka mpunda bau lafya Paulo, ko bau lo tomba eka Pelika bokulaka.

25 Au kóta bokanda eleng' ene :

26 Kanaudia Lukia ele bokulaka o lekola líongi, Pelika au k' ûla.

27 Bont' óne oki Ba-Yuda o kandaka, ko ba langa b' ome, limasókó nso ya l' aunyi, nso lo ikya, aki m o iaka a le bosi Loma.

28 Nso langa n jia ncina ekiyo fatak' ende, nso lo tomba nda nteke ekiyo.

29 Nso lena b' o fataki baui b' elek' ekiyo, ko a fo ate likambo li ndeli l' iwa, nkina biamwa.

30 Ak' iyo o n sangelaka Ba-Yuda bau fala bont' óne nso ko súkúdzá we nkakoyoko, ko nso laka bando fat' ende, kela ba ko sangela joi likiyo fataka O yalaka wai.

31 Limasókó baunyi ngoki' ndi o' a sangelaka, bau kola Paulo bau lo tomba l' otso eka Antipatuli.

32 Nga lobi ko bau cika ba-mpunda, ba kenda l' ende, ko bau luta nd' ocumba w' aunyi.

33 Iyo ak' iyo kitaka Kaisalia, bau ka bokulaka bokanda ko b' emadza Paulo nd' okala' okande.

34 Aki bokulaka o' andaka bokanda, au lûla bonanga' okande, ko aki' ndi iaka a le bosi Kilikia ;

35 Au kela : Kela nj' if okúdzá, aki bafaci' akawe bau ya. Au kela bau lo

esanya nd' itenela ey' akambo eya Elode.

LITATE NTUK' IFE LA LITATE LINEÍ.

1 Nd' afeka b' ets' etanu nkanga ey' osaka Anania au kitela ende l' asaka, l' ólókóli' ómó, lina likande Telutulo au sangela bokulaka likambo ja Paulo.

2 Ak' iyo etak' ende, Telutulo a anga lo fel' ende, au kela: iso to loka wai mónico nd' elók' ekawe, ko bauyi ba ónga nd' onang' óne la liota like.

3 To limedza ngósó cu ekeke, nd' ekak' enkuma la lokango.

4 Ókónde nyanga m pau ko ka bompele, nso ko önda wo' okúdz' auyi' akau ba f' úke l' iséi.

5 Wai to len' ont' óne a l' ofuki mónico, au súmainya Ba-Yuda nd' enang' enkuma, a le bosaka w' otúnga wa Ba-Nazareta.

6 Etetaki o sótsaka ilómbe ya Nza-kómba, to lo kanda, ko to langa to lo tenela likambo l' olek' okiso.

7 Ókónde elúmbe ey' osaka Lukia au ya au lo kola l' olo lim' akata' akiso.

8 Au laka bando súmainyaki bau y' ele we, wai aki w' a tenela likambo wo lia baui ane bankuma bak' iso felak' ende.

9 Ko Ba-Yuda bau limesza, bau kela baui bane ba le o óngoko.

10 Limasókó Paulo aki bokulaka o etaka a lókóla, au kela: El' eu mónico nso lia wo ki botenyi w' akambo wa bonanga bóne mpel' úke, nso lókóla bólóko' okau l' ekemo.

11 Wai w' if' ia nko betso jomo l' efe kika, lim' aki m o kendaka nda Yerusalem o memya Nzakómba.

12 Iyo nta n tana nd' ocumba w' oöndo o ikya likóli l' ontu nye, ko nci súmainy' antu a fa nd' ecumba b' eöndo ko a fa nd' enanga.

13 Ko ba fo m bakel' eu baui bak' iyo m pelaka.

14 Lóló joi line nso k' iedza wai elenge e tang' iyo bobé, eleng' eko nso memya

Nzakómba eya baise' akau, nso limedz' auyi' ankuma ba kótamaki nd' oleka la nda nkanga.

15 Nso limedza Nzakómba iyo mónico bau limedza o ngósó, wai ekunjwelú eya bawei, if' iela eya ba-óngá la ba fo ónge.

16 Eleng' ene m meke m' óngy' otem' okau ele Nzakómba l' el' antu.

17 Aki mpel' úke o lekaka nso y' o yel' aumba ba lióta ele bonanga bokau, ko la nganji.

18 Nk' ako bamo ba Yuda lima Asia bau n tan' eu n solwa nd' ocumba w' oöndo, a fa la nteke ko a fa la jengi jengi.

19 Bólótsi wai bau ya nd' okal' oke, 'o ko sangela nkin' iyo ba ata likambo l' emi.

20 Nkina bantu ba l' ane ba sanga nkin' iyo bau len' obe el' eu, aki m o k' emi nd' okala wa nteke

21 Imola nko joi line kika, aki m o k' emi l' iyo m beledzaki nd' elókó eya

ekunjwelú ey' aweí inyo lo m meka mbil' ene.

22 Aki Pelika okak' auyi' ane, au lia likambo liko fole, au la tukya, au kela : Asi Lusia, elúmbe ey' osaka au kitela, nj' if' ia ncina mónico eya likambo likinyo.

23 Au laka elúmbe a esanya Paulo, a fau tungy' ende ko a fau tókúdz' along' akande bau y' el' ende o' kamby' ende.

24 Nd' afeka b' ets' emo aki Peliko o akaka la wali' okande Dulusile o ki bomoto ow' a-Yuda au leta Paulo ko au loka likambo ja njimedza eya Masiya.

25 Aki ndi o lókólaka bakambo ba bauyi b' ólótsi la likila, la etenelú ey' akambo. Peliko au lenga, au kela : kenda mbok' eke ekek' ene, asi m o at' ekeke e ndeli kela nso k' eta.

26 Au langa Paulo au lo ka baumba o tungol' ende, ko au lo eta iyak' iyaka' o sùla l' ende.

27 Ókónde ndafeka ba mpel' ife Polukio Peseto au sulungana Peliko ko Peliko

eki ndi o lange o ka bantu ba Yuda ekemo au cika Paulo a tungi.

LITATE NTUK' IFE LA LITANU.

1 Aki Peseto ótswaka nd' onanga nd' afeka ba bets' esatu a kenda lima Kaisalia nda Yerusalema.

2 Limasókó nkanga ey' osaka ko bosaka owa Ba-Yuda au lo sangela likambo ja Paulo ko au lo ûla.

3 A lo kambya a suke Paulo, wai au lo eta nda Yerusalema, sek' iyo bau lo fala nda mboka' o om' ende.

4 Ókónde Peseto au kela : bau suka Paulo nda Kaisalia, ko ende mónico ifo co' eko lak' elingi.

5 Au kela : Kel' iyo ba ndeli ba kenda l' eu, kela bau súmainya bont' óne nkina bobo bo l' el' ende.

6 Aki ndi o móngak' el' iyo betso beo lekola jomo, au kitela nda Kaisalia, ko nga lobi au kisasi nd' okakú w' akambo, au kela bau yela Paulo.

7 Aki' ndi o akaka Ba-Yuda band' akaki lima Yerusalema bau lingama, bau súmainya Paulo baui' obe' úke, ókónde ba fo' akela.

8 Aki' ndi o lókólaka bólókó' okande mónico au kela: nci fenola baui b' eleka bea Ba-Yuda la bocumba w' oöndo, la Kaisala nye.

9 Ókónde Peseto a langa au ka Ba-Yuda ekemo au kela Paulo, o langa 'o kenda nda Yerusalema, kela nso ko tenela mpiko baui' ane? .

10 Limasókó Paulo au lamba ko, nso lemala nd' okakú wa Kaisala w' akambo, bólótsi wai bau n tenel' eu likambo. Nci kel' obe ele Ba-Yuda wo lia ngósó fole.

11 Aiyaka eu nso ata likambo j' obe ko n kelaki joi j' obe li ndeli l' iwa, m po fedza jó wa, lóló aiyaka bau m pat' eu baui' ane bankuma o mpampa, nk' ontu au n ka eu el' iyo, nso lûla Kaisala.

12 Limasókó Peseto, aki 'ndi úlaka nteke, au kela: O langa o lûla Kaisala? Ele Kaisala w' ifo kenda.

13 Nd' afeka bets' emo bokulaka Agulipa la Belunike bau ya nda Kaisalia 'o lûla Peseto.

14 Ak' iyo môngaka mpiko bets' ûke Peseto au laka bokulaka likambo ja Paulo, au kela bont' ómó a ciki a tungi lim' aki Pelika.

15 Aki mi nda Yerusalema, nkanga y' asaka l' asaka ba Ba-Yuda bau n sangela likambo ja Paulo, ba langa n do tenela likambo.

16 N da sangelaki: Ba-Loma nta kelak' eleng' eko iyo nta kâk' ontu nd' iwa esike nk' aki nde ok' iyo súmainyaka la bando súmainy' ende bau kúmanya lilunge, ko bomóngo a at' elekelú lo lókóla bólókó 'okande môngo bok' iyo súmainyak' ende.

17 Ak' iyo akak' endo, nga lobi, nta to mônga n ko kisasi nd' okakú w' akambo, nso sisa bau yela bont' oko.

18 Aki bantu bando súmainyak' ende b' emalaka nta b' o súmainya bauyi eleng' eki m o kanelaka.

19 Lóló ba ki la biuo bimo bia njimedza ikiyo, bau lo fela, nda likambo j' ont' ómo Yesu o waki Paulo a tanga a tafo wa.

20 Eki mi nci f' ia biuo biko nso lo ûla nkina a langa a kenda nda Yerusalema kela bau lo tenela bakamb' ane.

21 Ókónde aki Paulo o ûlaka a fala Augesto au lo tenel' ende likambo nso sisa bau lo tuky' ende esike nk' aki m o tom' ende eka Kaisala.

22 Agulipa au kela Peseto, eu n danga n d' okúdz'a bont' oko eu mónico. Au kela ko : w' if' okúdz' ende lobi.

23 Nga lobi ko Agulipa au ya ko Beluniko l' ekúmbi mónico, ko au lótswa nd' okakú wa njokúdz'a la lilúmbe j' asaka, ko bekúmbi be' onanga, ko aki Peseto au tefela bau yela Paulo.

24 Peseto au kela : Bokulaka Agulipa l' antu bankuma ba l' ane l' iso, inyo lo lena bont' óne oki nteke enkuma eya Ba-Yuda nda Yerusalema l' endoko bau n sangele, bau beledza, bólótsi wai a fau kenda lenkina nye.

25 Ókónde aki m o enaka nta kela joi li ndeli l' iwa, ko ende mónico a langa a sangela Augusto, nso lókódza n' do tome.

26 Mpo ate joi loswele n kótele nkolo ekau nd' elók' ekande, eleng' ene nso lo yela nd' okal' oke, nd' okal' okawe mónico Bokulaka Agulipa, wai aki wo n tenela likambo nj' ifo ata joi nso kóta.

27 Wai eu n kanela bobbe o toma loango, ko wo fo sangel' auyi' obe bak' iyo felak' ende.

LITATE NTUK' IFE L' OTOA.

1 Limasókó Agulipa au kela Paulo : o at' elekelú 'o lókóla bólók' oke mónico, ko Paulo au sembola lö, au lókóla bólók' okande.

2 Nso lekola l' ekemo, bokulak Agulipa, wai nso lókóla bólók' okau mbil' ene nd' okal' okawe, nd' elókó ey' auyi' ankuma baki bantu ba Yuda ó m pelaka.

3 Wai nsósóló nso lia wo lekola l'

elemo la biuo be le nd' a-Yuda ko nso ko önda o n jok' eu la lóncinji.

4 Elenge ey' auyi' akau lim' ónúlu aki eu nd' okala ek' antu' akau nda Yerusalema, bantu ba Yuda bau lia fole.

5 Band' iaki lim' iango, aiyak' iyo ba langa ba tefe, wai ngole bolúi w' auyi b' olo w' eleng' ekiso, n jalaki bo-farasi.

6 Aiyoko nso lemala ko bau n tenela likambo nd' elókó eya njimedza eya elaka eki Nzakómba o sisaka' aise' akiso.

7 Nd' elak' ene betúnga jomo l' efe bekiso bau kambya Nzakómba cu-mbile ko cu lotso, ba langa ba kita nd' elaka. Nda njimedz' eso, bokulaka Agulipa, ba-Yuda bau m pela.

8 Inyo lo likya likóli nda likambo ja Nzakómba au kundol' awéi lai?

9 Eu mónico n kanelaki bólótsi wai n kela belem' úke be f' elama la lina ja Yesu owa Nazareta.

10 N kelaki eleng' eko nda Yerusalema, n kandaki njang' úke y' ana ba

Nzakómba, nso at' olo liina nkanga y' asaka, ak' iy' a omaka nso limedz' iyo.

11 Nso la sisúdza iyak' iyaka nd' ecumba b' eöndo, nso la kam' iyo bau sidza Nzakómba ngóló, nso la okela nkele' úke ko nso la tumula nd' enanga be' esi.

12 Aki m o kendaka nda Damaseke l' olo l' osise wa nkanga y' osaka,

13 La mbile mónico, bokulaka, nso lena nda mboka fole lima lola yo lekola kali kali eya jeva, eyo n' ingola kyö samanyu la ba kendaki l' emi.

14 Ak' is' ankuma o kweke nd' atói, nso loka lófósó lo tefel' el' eu, lo tefela la lolaka ja Ba-Yuda: Saulo! Saulo! o n tumul' eu lai? bolo wai wo tóka jina nda nsóngó.

15 Nso kela: Nkolo we na? Au kela: Eu n de Yesu o tumula we.

16 Lóló, sangwa ko emala nd' akak' ake, eki m' enyak' ele we nd' elók' ene wai nso k' ema bolaki l' ónenaki l' elem'

ene beki w' enaka, l' elem' eso beki m o ko tumya.

17 Aki m o ko tungola lim' antu' ake mónico la lim' afaiya el' iyo baki m o ko toma.

18 Lo umbol' aisu' akiyo, ko w' a kengola lima wilima nda fole, ko lima mpamba eya lidóka ele Nzakómba, kela b' ifo ata loiko j' auyi' obe, la lisango el' iyo ba luwaki la njimedza ekau.

19 Limasókó bokulaka Agulipa, nci fenola joi j' enelú eya lola.

20 N' eneyaki' okala ele basi Damaseke la ba-Yerusalema ko ncuwana ya benanga bea Yuda limasókó ele Bafaiya wai b' if' ututala ko b' ifo kengetswa ele Nzakómba, ko bau kamb' elemo be ndeli l' eututaelú.

21 Nd' elókó ey' anyi' ane Bantu ba Yuda bau n kandaki nd' ocumba w' oóndo ko bau m pala ó m oma.

22 Ele Nzakómba o kanbyaki, nso yalema esike nk' aki mbil' ene, n' eneyaki bantu ba tosiso la banene, mpo lak'

auyi' amo nko belemo beki nkanga la Mose o telaka b' if' iela.

23 Wai Masiya if' en' elú ko ifo yala bokala o kunjwaki lim' iwa ko w' if' eneya fole ek' antu l' ek' afaiya.

24 Aki ndi o tefelaka ngósó nd' elókó ey' omongo Peseto au tefela la lófósó j' ónene: Paulo o sungwa tónte, baui bake ba bianya ba ndekola, ba ko sungweya tónte.

25 Ókónde au kela, m po sungwa tónte, Peseto owa líongi, lóló n' dókóla baui ba nsósóló la ba wai.

26 Ele bokulaka au lia baui' ane, ko nso tefela kwa kwa nd' okal' okai wai nso lia belemo' ene be f' isama lim' el' ende nye, wai bolemo' óne nta kambe-maki nda inkóndo.

27 Bokulaka Agulipa o limedza nde nkanga? Nso lia wo limedza.

28 Limasókó Agulipa au kela Paulo n ciki isisi wai nso fanningwa bontu owa Yesu la lokamo loke.

29 Ko Paulo au kela: Nso langa la

lolango ja Nzakómba wai a fa we kika, lóló bankuma bau n dokúdzaki ba fo cik' isisi, lóló bau faningwa mpaningwa mónico ngol' eu nso yalema, imola nko biamwa bine.

30 Aki ndi o lókólaka ngoso, bokulaka au lemala l' okúmbi, la Belunike ko ba ko kisasi l' iyo.

31 Ak' iyo imanaka bau sùlana iyo mónico bau kela : Bont' óne nta kela joi li ndeli l' iwa, la biamwa.

32 Limasókó Agulipa au kela Peseto, Aiyaka bont' óne nt' úlaki Kaisala nkina a tungwa nk' ako.

LITATE NTUK' IFE LA NSAMBO.

1 Ak' iyo angaka wango wai to kenda nda Italia, bau la ka Paulo la njang' imo eka elúmbe ey' aunyi ba Augusto, lina likande Yulio.

2 To kúndela nda watu nda Adulamutona bo sangya bo kenda aiyoko nd' enanga b' eselo eya ntandu nda Asia eya

Loma, ko to semola, ko bont' ómókó lina likande Alisitaluko bosì Makedonia a ki l' iso.

3 Nga lobi to sema nda Sidona, ko Yulio au ya Paulo boya, ko au lo ka elekelú, a kend' eka balongo' akande, au loka liota likiyo.

4 Ak' iso semolaka lim' eko to yo sele Kupulio wai bempompo be to suka.

5 Ko ak 'iso fendaka ntandu eya Kilikia la Pampalulia, to ya nda Mula bonanga wa Lukia.

6 Mpiko elúmbe au lena watu wa Alesandulia bo kenda nda Italia ko au to kúndedza.

7 Ak' iso kendaka nya nya bets' úke, to kita nda Nido l' olemo mónico, ko nd' elókó eya bompompo ak' iso sunganaka la Salumone to lúlúngana Kulete.

8 Ak' iso lekanaka l' olo to ya nd' okak' ómó bok 'iyo tanga "lisemelo j' olótsi," ntutama l' ende bo le bonanga wa Lasea.

9 Ak' iso mógaka emóngi mónico ko

MONGO ACTS.

ekendelo eyo lekol' obe, wai ekeke ey' ekila eyo lekana ko Paulo au la laka.

10 Au la kela : balongo ; nso lena lo-kendo lóne t' ifo len' elú la ecoelo ey' aumba ko l' ewelo ey' antu.

11 Ókónde au limedza Nkolo la bomóngo wa watu, a fimedza bauyi baki Paulo o tefelaka.

12 Aki esemelú nt' e ki' ónene, o yal' eko nd' ekeke eya mpió bant' úke bau kela to semola lim' eko kela to meka to kita nda Poiniko, ko to yal' eko nd' ekeke eya mpió, oko bo le esemelú eya Kulete, ko esemelú eyo ala ntutama l' eya jeva.

13 Ko aki bompompow' isisi bo kumba, bau kanela ndókódza ekiyo eyo ónga, bau semola ko to leka ntutama la Kulete.

14 Ókónde nk' elingi nd' afeka efêle móngo eyo to kumbela, lina likande Eulakulo.

15 Aki watu nta kendaka l' ompompo, nta óngaka l' efêle, to lo lisa.

16 Ko to tutama nd' okakú w' ekoli

emó lina likande Kalauda, to lemba ebei ekiso l' olemo mónico.

17 Ak' iso sangyak 'ende, bau kemya watu la ekoli ko ak' iyo angaka bau leka nd' ekóngó bea Suluti bau kitedza belemo bea watu ko to sukwa eleng' eko.

18 Ak' iso lekolak' ofuki l' efêli, nga lobi bau lus' am' aumba ba ki nda watu.

19 Betso besatu ko iso mónico l' akat' akiso to lusa belemo bea watu.

20 Aki jeva la toóci nt' enyaka bets' ûke ko efêle ey' ónene eyo to kumbela nta to kanela to ika.

21 Limasókó ak' iyo nta lek' efambe kala kala Paulo au lemala nd' etei ekiyo, au kela, balongo bólótsi wai inyo lo n dokúdzak' eu lo tafo semola lima Kulete lo len elú ene.

22 Aiyoko nso lo laka, lo kema nka-kema, wai nk' ontu ifo wa lóló watu kika

23 Eki ekima eya Nzakómba oki m o kambela, eu n d' ont' okande.

24 Au kela, to angake Paulo ! w' ifo

tombama nd' okala wa Kaisala ko lo ala :
Nzakómba a ko ka bankuma ba kenda
la we.

25 Eleng' ene balongo lo kema el' eu
nso limedza Nzakómba wai bauyi b' ifo
kelama eleng' eki ndi o sangelaka.

26 Lóló t' ifo safwa nd' ekol' emo.

27 Aki betso jomo l' ineí beo liela to
sukwa bekakú l' ekakú nda Adalia, nd'
etekole ey' otso, bakambi ba watu bau
kanela bau tutama nd' onang' ómó.

28 Iyo bau meka njindo, bau lena
ntuk' ife, ko ak' iyo kenda isisi bau meka
lenkina, ko bau lena jomo l' itanu.

29 Ba anga nyango ba fo kenda nda
baókó, ko bau lusa baókó bafe nd' afeka,
ko ba langa jeva jo kya.

30 Ko aki bakambi ba watu ba langa
ba lúta lima watu, bau kitedza ebei nga
bau coa lusa baókó bamo, nd' okala wa
watu.

31 Paulo au sangela elúmbe la baunyi :
Aiyaka bane ba fo cike nda watu lo fa
ika.

32 Limasókó baunyi bau ten' ékóli, ko bau lis' ebei.

33 Esike nko jeva jo kya, Paulo au la önd' iyo ma ba l' efambe, au kela: mbil' ene to kita betso jomo l' enéi lim' ak' inyo falaka ko lo tafo l' efambe,

34 Ko nso lo önda, lo le nyama, kela lo kema, wai libu limókó li fau kwa lim' ets' ekino nye.

35 Aki ndi o tefelaka ngósó au kola iyökó, au kanga Nzakómba nd' etei ekiyo ma, ko aki ndi o tenaka a anga lo la.

36 Limasókó iy' ankuma bau kema ko iyo ba l' efambe.

37 Ko is' ankuma to ki nda watu bantu benkam' efe la ntuku nsambo l' antu botoa.

38 Ak' iyo kindaka bau kókóla bolito wa watu bau lusa basangu nda ntandu.

39 Aki jeva jo kya ba fia bonanga, lóló bau lena ikeli imó nd' eselo ko ba langa nkina bau lelama o súkúla watu mpiko.

40 Ak' iyo tungola baókó bau cik' iyo

nda ntandu, bau lembola belemo bea jenda, bau luledza eto ey' ónene ele bompompo ko ba kenda nd' okili.

41 Bau kita nd' okakú e sangana ntand' ife bau tomba watu nd' ekóngó ko bokala wa watu bo kema nd' ekóngó a fo fuke lóló bafeka bau tungwa la mpamba eya lieko.

42 Baunyi ba langa ba oma njanga nyango ba fo kwel' asi ko bau lúta.

43 Ókónde elúmbe a langa a ikya Paulo, ko au la túkúdzá, au kela band' ia asi bau la us' iyo mónico bokala nda ntandu, kela ba safwa.

44 Ko baciki, bamo nda litanda, bamo nda litei ja watu. Eleng' eko iy' ankuma ba ika lima ntandu, ko bau safwa nd' okili

LITATE NTUK' IFE L' ONANEÍ.

1 Ak' iyo ikaka bau lia lina ja ekoli wai Melita.

2 Basi mpiko ba to ya boya mónico,

wai ba' ambola tsa, ko ba.to kol' iso' ankuma nd' elókó eya mbula la mpió.

3 Aki Paulo o takanyak' esenju, ko au lafya nda tsa, njoa' obe eyo lola lima tsa, eyo fótama nda likata likande.

4 Aki basi eko bau lena njoa eyo fótama nda likata likande bau tefel' iyo mongo, bau kela, nsósóló bont' óne a le bo-omi w' antu, a ika lima ntandu ókónde baui ba nsómbóla ba fo iky' ende.

5 Au lusa njoa nda tsa, ko a fo lotala nye.

6 Lóló b' o engelaki nkina au lula, nkina a kwa ndasi a wa, ókónde ak' iyo engelak' elingi, ko ba f' en elókó nye, bau lengúdza ko bau kela a le Nzakómba emó.

7 Nd' okak' oko e le itenela eya boku-laka owa ekoli lina likande Popelio, a to kol' iso nd' ilómbe ikande ko a to esanya l' oya betso besatu.

8 Limasókó Ise ya Popelio au loka nkangi eya jiónge jo feta, ko au loka

lónsese, Paulo au lótswa el' ende, a önda, au lafy' akata el' ende ko au lo ikyä.

9 Aki joi line jo kelama bamo bau ya ba ki la nkangi nd' ekoli, ko ba ika.

10 Ba to memya la tómemy' ûke, ko ak' iso kendaka, ba to ka belem' ûke bandeli l' iso.

11 Nd' afeka ba nsúng' isatu to kenda nda watu wa Alesandulia, bo móngaki nd' ekoli, lotadza lokande lo le "Bas' aende."

12 To sema nda Surakusa, to yal' eko bets' esatu.

13 Lim' eko to lingola, ko to ya nda Legio, nd' afeka b' ots' ómókó bompo mpo w' isisi bo kumba, ko nga lobi to ya nda Putioloi.

14 Eko to tana balongo, bau t' ûl' iso to yal' el' iyo betso nsambo ko to kenda nda Loma.

15 Balongo ba le mpiko, ak' iyo t' okaka, bau y' o to amba nd' isúmba ya Apio la becumba besatu. Paulo aki ndi o enaka, au kanga Nzakómba ko au kema.

16 Ak' iso akaka nda Loma, elúmbe au lekyá njanga eka elúmbe eya bolúi wa baunyi, lóló Paulo au kisasi nk' ende kika la bounyi óndo esanya' ende.

17 Nd' ets' esatu Paulo au leta basaka ba Ba-Yuda nda nteke, ko ak' iyo takana au la kela : Bantu la balongo, nci fengol' antu nye, nci sekola beleka bea baise, ókónde bau n dekyá loanga lima Yerusalema nd' akata ba basi-Loma.

18 Iyo ak' iyo 'ó n tenelaka likambo, ba langa bau n tungola wai nta b' ena joi li ndeli l' iwa el' eu.

19 Ókónde Ba-Yuda bau fengola joi liko, ko nso önda Kaisala, a fa nd' elókó eya m b ata likambo la bonang' okau.

20 Nda likambo line nso lo eta, o al' inyo, o tefela l' inyo wai nd' elókó eya ndendedza eya Yisalaele n tungi la wamwa bóne.

21 Bau lo kela : Nta to at' ekanda lima Yudia nd' elók' ekawe, ko balongo ba yaki nta t' eneyaki ko nta to sangelaki.

22 Ókónde to langa t' ok' auyi ba kanela wē, wai nd' elókó eya botúng' óne to lia bantu nd' ekak' euma bau la fenola.

23 Ak' iyo kâk' ende mbil' emókó, bau ya bant' ûke nd' oyal' okande au la laka, ko au la eneya baui ba likulaka ja Nza-kómba, au la kama nd' elókó eya Yesu, a laka lim' eleka bea Mose la nkanga, lima nkesa esike nko lókóló.

24 Bamo bau limedza baki' ndi o tefelaka, ko bamo ba f' imedza.

25 Ak' iyo ambwaka ba kenda, aki Paulo o tefelaka joi limoko : Bauyi baki Bolimu w' ólótsi o tefelaka la Nkanga Yesaya ele baise' akiso.

26 Au kela : Kend' el' ant' ane 'o kela, l' if' okúdzá ókónde lo fa ia, l' ifo ala lóló lo fa ene.

27 Wai botema w' ant' ane bo leki búlúndú, batúi' akiyo bau kinda, ba 'umb' aisu' akiyo nyango b' ene l' aisu' akiyo, b' oke l' atúi 'akiyo ko bia l' otema ko b' ifo kengetswa ko nso la ikya.

28 Lo iaka wai loiko ja Nzakómba jo

tomama eka Bafaiya, kela iyo b' if' oka.

29 Aki ndi o tefelak' auyi' ane Ba-Yuda ba kenda, ko bau likyana bakóli' ûke.

30 Paulo ko a yalaki mpel' ife mónico nd' oyal' okande boki' ndi o sómbaka ko au kol' ant' ankuma band' ótswa el' ende.

31 Aulúngúdba likulakaja Nzakómba, ko au laka baui ba likambo ja Nkolo Yesu Masiya l' ekemo, nk' ontu au lo suka.

